

# *NY FAMANTARANA*

 Ny famakiana ny Teny. Ho an’ny famaranana ny fotoana, ny antony nangatahako taminareo mba hitsangana . . . Rehefa mitendry izy ireo ny *The Star-Spangled Banner*, dia mitsangana ianareo. Sa tsy izany? [Hoy ny fiangonana hoe, “Eny.”—Mpand.] Noho izany dia nahoana no tsy ho an’ny Tenin’Andriamanitra? Fanajana iray izany. Ankehitriny ao amin’ny Bokin’ny Eksodosy, ny toko faha-12, manomboka amin’ny andininy faha-12, maniry aho ny hamaky ampahany iray an’ny Soratra, ny andininy faha-12 sy faha-13.

*Fa handeha hamaky ny tanin’i Egypta aho amin’izany alina izany, ka hamely . . . ny matoa amin’ny tanin’i—i Egypta, ny olona sy ny biby; ary . . . hanatanteraka ny fitsarana: Izaho no TOMPO.*

*Ary ny rà dia ho eo aminareo ho famantarana eo amin’ny trano izay misy anareo; ka rehefa mahita ny rà aho, dia handalo anareo aho, ka tsy hisy loza eo aminareo handringana anareo, rehefa mameley ny tanin’i Egypta aho.*

2 Ny lohahevitra dia: *Ny Famantarana*.

3 Ndaو isika hanondrika ny lohantsika ankehitriny. Ary ao amin’ny Fahanginany amin’ity fotoana masina ity, alohan’ny hanatonantsika Azy amin’ny vavaka, dia misy fangatahana iray ve izay tianareo ho valian’Andriamanitra amin’izao tolakandro izao? Atsangano fotsiny ny tènanareo raha manana ianareo, ka eritrereto lalina ao am-ponareo izay tianareo Hataony. Na aiza na aiza ato amin’ny tranobe, eritrereto fotsiny izay tianareo Hataony.

4 Rainay any An-danitra, Ianao no Andriamanitra tsy miovaova, ka mivavaka izahay mba Hamalianao ny vavakay, izao tolakandro izao, raha—raha mihazona ny tènanay izahay. Ary Voamarikao fa ny tènako dia mitsangana, ihany koa. Ary ny fangatahako, hampahafantatra an’izany ampahibemaso aho, dia izao, Tompo, mba Hanasitrananao ny olona tsirairay ato androany, vonjeo ny olona very rehetra. Ankehitriny, hoy Ianao hoe, “Raha mangataka na inona na inona amin’ny Ray ianareo, amin’Ny Anaroko, dia Hataoko izany.” Ankehitriny, Tompo, ampio izahay miaraka mba hino amin’ny maha-firaisan’olona iray, an’ny zanaka mino. Mitenena amin’ny alàlan’Ny Teninao, Tompo. Ny Teninao no Fahamarinana. Tahio ny fonay.

5 Misaotra Anao izahay ny amin’ity favoriana ity. Misaotra Anao izahay ny amin-dRahalahy Grant, sy ny amin’ireo mpiasany rehetra, sy ireo fiangonana ary ny olona rehetra. Ary ho an’izay rehetra Nataonao ho anay, Tompo, dia mankasitraka

Anao izahay. Ray, mety misy maro aminay eto no tsy hifankahita intsony indray ankehitriny, mandra-pifankahitanay eny amin'ilay ilany hafa. Mety ho ity no fivoriana farany izay hiarahanay mipetraka eto amin'ity tany ity. Enga anie ho tonga ny Fanahy Masina ka hitahy anay miaraka, mitondra ho anay an'ireo ilainay. Amin'ny Anaran'i Jesosy no ivavahanay. Amena.

Mahazoa toerana.

<sup>6</sup> Manana boky kely fandraisana naoty iray aho eto, anoratako Soratra sasantsasany sy ireo zavatra kely. Afaka nahatadidy an'izany tao an-tsaiko aho taloha, saingy vao avy nihoatra ny dimy amby roapolonotaona fotsiny aho, fantatrareo, izany hoe, ilay faharoa. Ary noho izany dia tsy mahatadidy tahaka ahy taloha intsony aho, fa tena vahoaka betsaka ao amin'ireo fivoriana sy ny sisa, ary tena betsaka no hatao.

<sup>7</sup> Ny lohahevitsika izao tolakandro izao *dia: Ny Famantarana*. Misokatra ao Egypta ny tantarantsika. Sary lehibe iray eto izany ankehitriny, tiako hahita an'izany ianareo rehetra ary ho manaja mihitsy arak'izay vitanareo. Egypta no toeran'ilay tantara, ary ny fotoan'ilay tantara dia tamin'ny fiandohan'ilay fifindrana mihitsy.

<sup>8</sup> Ary, ankehitriny, izany dia tandindona iray an'izao andro izao, voaseho, satria manatrika fifindrana iray hafa ihany koa isika. Andriamanitra izay namoaka ny Isiraely avy tao Egypta, ho any amin'ilay tany nampanantenaina, dia tandindon'i Kristy mamoaka ny Ampakarina avy ao amin'ny fiangonana, ho any amin'ilay Tany nampanantenaina. Ao amin'ny fifindrana iray hafa isika. Ankehitriny raha hianatra ny Soratra ianareo, dia manana fotoana hikasihana an'ireo teboka lehibe an'izany fotsiny isika, marina izany. Isika no... Tahaka ny namoahan'Andriamanitra firenena iray avy tao amin'ny firenena iray, no hamoahan'Andriamanitra ny Ampakarina avy ao amin'ny fiangonana iray. Hantsoina avy ao amin'ireo fiangonana rehetra ny Ampakarina. Izany dia ho ilay voafidin'Andriamanitra, no havoaka. Ary eo amin'ny moron'io fifindrana io isika izao ankehitriny izao, satria manana ny porofo ara-tSoratra rehetra isika hoe eo isika no mitsangana. Ankehitriny, fantatro fa efa voalaza imbetsaka izany, saingy, ry sakaizako, indray mandeha dia ho voalaza ho an'ny fotoana farany izany. Hilentika ao anatin'ny Mandrakizay ny fotoana amin'izany fotoana izany. Ho avy Izy hamoaka Ampakarina iray avy ao amin'ny fiangonana.

<sup>9</sup> Ilay famantarana no zavatra izay nanao ny fahasamihafana teo amin'i Egypta sy Isiraely, ireo firenena roa. Olombelona izy rehetra, saingy noforonin'Andriamanitra ny rehetra, asatantan'Andriamanitra ny rehetra, saingy, ny fahasamihafana rehefa nandalo ny sazim-pahafatesana, ny fahasamihafana teo amin'ny fiainana sy ny fahafatesana dia ilay famantarana.

<sup>10</sup> Ary ho toy izany koa amin'ny fihavian'ny Zanak'Andriamanitra, rehefa mamoaka ny Ampakarina avy ao amin'ny fiangonana Izy, ilay Famantarana no ho fahasamihafana. Ankehitriny, henoy tsara amin'izao tolakandro izao, ka jereo raha tsy marina izany. Ilay Famantarana no ho fahasamihafana. Tsy maintsy misy fahasamihafana iray.

<sup>11</sup> Hitsara an'izao tontolo izao Andriamanitra, indray andro any. Raha nanontany ny olona Katolika aho, hoe iza no ho Tsarainy, amin'ny inona no Hitsarany an'izao tontolo izao? Hilaza izy ireo hoe, "ny fiangonana." Fiangonana inona? "Ny fiangonana Katolika." Fiangonana Katolika iza, misy maro amin'izy ireo eo? Hilaza ireo Metodista hoe, "amin'ny alàlan'ny Metodista," dia any ivelan'izany ireo Batista amin'izay fotoana izay. Noho izany, raha mitsara an'izany amin'ny alàlan'ny fiangonana Batista ianareo, dia any ivelany ny sisa rehetra amin'izy ireo. Hoy ireo Pentekotista hoe, "amin'ny alàlan'ny Pentekosta," amin'izay fotoana izay dia any ivelany ny sisa amin'izy ireo. Hitanareo, ho lasa fifanjevoana izany, fifanjevoana betsaka, mampifanjevo betsaka ao amin'ny fisainana, ny mieritreritra zavatra tahaka an'izany.

<sup>12</sup> Fa nanana fomba iray Andriamanitra eto izay Nilazany fa Hitsarany ny tany, tsy amin'ny alàlan'ny fiangonana Katolika, tsy amin'ny alàlan'ny fiangonana protestanta. Fa hitsara an'izao tontolo izao amin'ny alàlan'i Jesosy Kristy Izy, ary Jesosy no Teny, noho izany dia miverina amin'ny Baiboly indray ilay izy eo. Hitanareo? Hitsara an'izao tontolo izao amin'ny alàlan'ny Baiboly Izy. Ary ny Baiboly no Bokim-pitsaran'Andriamanitra, izay ny fanambarana feno an'i Jesosy Kristy, ka tsy misy na inona hafa azo anampiana na inona na inona esorina amin'Izany; ny sazy amin'ny fanaovana an'izany, dia ny anaranareo esorina ao amin'ny Bokin'ny Fiainana. Mijanòna tsara fotsiny amin'ilay Boky, ary mivavaha amin'Andriamanitra mba hanao antsika ho ampanhan'Izany.

<sup>13</sup> Ankehitriny dia hitantsika, ny famantarana iray, inona ny famantarana iray? Ny famantarana iray dia marika anankiray an'ny vidiny iray voaloa, izany ilay famantarana. Tahaka an'ireo fiaran-dalamby antsika sy ireo fiara mpitatitra, mitondra ny volantsika isika ary mandeha any amin'ny fiantsonana iray. Ankehitriny, hitanareo, ireo fiara mpitatitra dia tsy avela, any amin'ireo toerana izay ampiasana an'ireo tapakila, tsy avela handray vola izy ireo. Tsy afaka mandray vola izy ireo, mila an'ilay tapakila izany; atao hoe, ireo fiaramanidina, na inona na inona koa. Mandeha mankany amin'ny toerana anankiray ianareo, ilay toeram-pividianana, ary mividy, amin'ny volcanareo, tapakila maro be, io tapakila iray io. Ary io tapakila iray io no famantarana fa voaloa ny saran-dàlanareo. Manana zò hiakatra eo amin'ilay sambo ianareo, hiakatra eo amin'ilay fiaramanidina, hiakatra eo amin'ilay fiara mpitatitra, na inona

ilay izy, raha mbola mihazona foana an'ilay tapakila ianareo mba haneho fa ny—fa voaloa ny fandehananareo. Tsarovy izany ankehitriny. Aza adino izany.

<sup>14</sup> Ilay zanak'ondry voavono an'ny Isiraely no...no fitakian'Andriamanitra. Nitaky zanak'ondry iray voavono Jehovah, mpisolo tsy manan-tsiny iray. Araky ny efa nandalovantsika tamin'ny herinandro lasa ankehitriny, hoe Andriamanitra, rehefa nandray fanapahan-kevitra iray Izzy, dia tsy manova an'izany mihitsy Izzy. Ary nanao lèlana iray Izzy, ny Zavany voalohany izay Nataony rehefa lavo ny olona, dia tsy maintsy nanao lèlana iray hiverenany Izzy, raha mba tehanavotra azy Izzy, ary nandray fanapahan-kevitra iray Izzy izay Namonjeny ny olona tamin'ny alàlan'ny Ràn'ny Anankiray tsy manan-tsiny. Ary nanao an'ilay zavatra iray ihany mandrakizay Izzy. Tsy manova an'izany mihitsy Izzy. Tsy misy toerana hany hihaonan'Andriamanitra amin'ny mpivavaka iray, afa-tsy eo ambanin'ny Rà irery ihany. Izany no Toerany tokana.

<sup>15</sup> Isika dia miezaka hanao Azy hihaona eo ambanin'ny teolojantsika, eo ambanin'ny anaram-piagonantsika, eo ambanin'ny fandaharam-pampianarantsika. Ny sasany nanorina tilikambo ary ny sasany nanorina tanàna, Babylona sy—sy ny tilikambon'i Babela, ary ireo karazan-javatra samihafa. Saingy ilay izy dia mbola mijanona foana hoe, Andriamanitra dia mihaona amin'ilay mpivavaka eo ambanin'ny Rà irery ihany. Tsy manova an'izany mihitsy Izzy. Tsy afaka ny ho Metodista isika rehetra, tsy afaka ny ho Pentekotista isika rehetra, isika rehetra tsy afaka ny ho *ity, itsy, na hafa*, tsy hifanaraka isika. Fa rehefa manatona lehilahy iray aho, avelao izy ho pretra Katolika na inona, rehefa eo ambanin'io Rà io izy dia mpirahalahy izahay, tsy ahoako izay misy azy, raha mbola eo ambanin'io Rà io foana izy.

<sup>16</sup> Ankehitriny, ny zanak'ondry voavono an'ny Isiraely no fitakian'i Jehovah, ary ilay rà no famantarana fa efa vita ilay asa. Nitaky ho an'ny fanavotana Andriamanitra, avy ao Egypta, mba handehanana mankany amin'ilay tany nampanantenaina, nitaky biby iray voavono Izzy. Ary io biby io dia tsy maintsy manana... Ny ràn'io biby maty io dia tsy maintsy napetraka teo amin'ny tolana sy teo amin'ny varavarana, ary nipetraka teo izany ho famantarana fa tanteraka ilay zavatra izay notakian'i Jehovah. Hitanareo? Ankehitriny, tsy ilay zanak'ondry no famantarana, ilay rà no famantarana. Ankehitriny, nivoaka avy tao amin'ilay fanatitra ny aina, ary ankehitriny dia ilay rà no famantarana. Notanterahina ireo Baikony. Nipetraka ho tapakila ilay rà, ny famantarana fa nahavita marina tokoa an'ilay fitakiana io mpino io. Izany no famantarana. Eny àry, satria ilay mpino, mpivavaka, dia voatondron'ny fanatiny amin'izay fotoana izay. Hitanareo?

<sup>17</sup> *Ity ilay trano, ary ilay mpivavaka, inona ilay fitakiana? "Mamonoa zanak'ondry iray. Amin'ny andro fahefatra ambin'ny folo rehefaavy notehirizina izy, la—lahy iray tsy misy kilema, no hamonoan'ny Isiraely rehetra azy, ary ilay rà dia tsy maintsy entina amin'ny hysopa ka apetraka eo amin'nytolanam-baravarana."*

<sup>18</sup> Ary, eo amin'izay ihany, io hysopa io dia ahitra tsotra fotsiny. *Hysopa dia midika hoe "ny finoanareo."* Misy olona miezaka hanana finoana ivelan'ny voajanahary, izany no antony mahadiso anareo ny fahasitrananareo. Zavatra tsotra iray fotsiny ny finoana. Manana finoana ianareo mba hahatongavana any am-piagonana. Manana finoana ianareo mba hivoahana eo. Manana finoana ianareo mba hamelomana ny fiaranareo. Manana finoana ianareo mba hihinanana ny sakafolarivanareo. Tahaka an'izany ilay izy, finoana tsotra fotsiny. Ankehitriny mba hampiharana an'ilay rà, dia nampiharina tamin'ny hysopa izany, izay ahitra tsotra fotsiny maniry na aiza na aiza ao Palestina, maneho fa ny finoana izay tsy maintsy ampiharana an'ilay rà dia tsy zavatra ambony ka tsy maintsy manana ny karazana diploman'ny dokotera rehetra ianareo hanaovana azy. Tsotra fotsiny ilay izy, finoana isan'andro, mba hinoana an'Andriamanitra. Hitanareo? "Ampiharo ilay rà," amin'ny finoana, "miaraka amin'ny hysopa."

<sup>19</sup> Ankehitriny, ilay mpivavaka, amin'izay fotoana izay, hita ao ambanin'io rà io, dia naneho fa nahatanteraka ny fitakian'i Jehovah izy, ary voatondro izy. Ilay famantarana no naneho fa voatondro niaraka tamin'ilay zanak'ondry voavono izay notakian'i Jehovah izy. Vita ilay asa. Tandindona tanteraka iray toy ny inona amin'izao andro izao, an'i Kristy sy ilay mpino. Rehefa voaseho eo amin'ilay mpino ny Famantarana, amin'izay fotoana izay dia Izany no maneho fa nekena ilay izy ary efa vita ilay asa.

<sup>20</sup> Noho izany, ilay rà dia famantarana iray an'ny fanondroana, ilay rà izy tenany. Nivoa-drà ilay biby, maty, ary teo amin'ny rindrina ny ràny. Ankehitriny, ny aim-biby, izany no tao anatin'ilay rà. Ary ny aina dia ao anatin'ny rà, fantatsika izany. Ny Baiboly no niteny an'izany, ary manaporofo an'izany ny siansa, ao anatin'ny rà ny aina. Koa noho izany rehefa voavono ilay biby, ka nivoaka avy tao amin'ilay biby ny aina, dia tsy maintsy ho fangaro simikan-drà ilay rà, mba hijoro ho famantarana. Satria, ny aina izay tao anatin'ilay rà dia tsy afaka hiverina eo amin'ilay mpino, satria aim-biby iray izany.

<sup>21</sup> Ary ny aim-biby sy ny ain'olona dia samihafa tanteraka. Tsy misy, na inona na inona mihitsy ao anatin'y. Raha nalainareo, alaivo ny ràm-biby iray ka apetraho ao anatinareo, ho faty ianareo. Noho izany dia hitanareo, isika, izany dia—izany dia aina iray ao amin'ny ràm-biby hafa noho izay misy ao amin'ny

ràn'olombelona, satria manana fanahy iray ny olombelona. Ny biby tsy manana fanahy.

<sup>22</sup> Ary ankehitriny, noho izany, ilay rà izy tenany, aoka hahazo ankehitriny, ilay fangaro simika mena, ireo vokatra simikan'ilay rà, dia tsy maintsy mijoro eo amin'ny varavarana, ho famantarana iray fa efa maty ilay zanak'ondry, ankehitriny, satria ny ain'ilay zanak'ondry dia tsy afaka hiverina eo amin'ilay olombelona mpivavaka. Fa amin'izao andro izao... Tandindona iray fotsiny ihany izany.

<sup>23</sup> Amin'izao andro izao dia tsy vokatra simikan'ny Ràn'ny Tompo Jesosy ilay izy, ny Zanak'ondrintsika, fa ilay izy dia ny Aina izay tao anatin'ilay Rà, dia ny Fanahy Masina. Izany no miverina ary Famantarana izay nekentsika ka nanaovantsika marina tokoa an'izay notenenin'Andriamanitra tamintsika mba hatao. Ary amin'izay fotoana izay, nohon'ny fananana an'ilay Famantarana, dia voatondro miaraka amin'ny Fanatitsika isika. Tanteraka tokoa. Tsy hitako hoe ahoana no mety hisian'ny zavatra iray mazava kokoa. Hitanareo?

<sup>24</sup> Ny fomba tokana izay ahafahan'ny olona iray miteny fa an'isany io trano io, ihany koa, hoe eo ambanin'ilay rà, dia satria ilay fangaro simikan'ilay rà no teo amin'ireo varavarana. Nandaloo izy ireo, tsy maintsy njery ilay Anjelin'ny fahafatesana ka nahita an'ilay rà. Ankehitriny, indray koa, izany dia tandindona iray an'ny Fanahy Masina.

<sup>25</sup> Ankehitriny, hitanareo, ilay Ràn'i Jesosy ara-bakiteny dia tsy afaka ho tonga eo amin'ny tsirairay avy amintsika, satria Rà ampy fotsiny no Nananany tao amin'ny Vatany. Ary niraraka izany, avy tao amin'ny Vatany, nankao amin'ny tany, roa arivo taona lasa izay; saingy tsy ho Famantarana iray izany. Ilay Aina, ilay Aina izay tao amin'ny Rà, no Famantarana ankehitriny. Hoporofoiko aminareo izany, afaka iray minitra fotsiny, amin'ny alalan'ny Baiboly. Izany no Famantarana izay tsy maintsy tonga eo amin'ny tsirairay avy amintsika, mba haneho fa efa voatondro niaraka tamin'ny Fanatitsika isika, ary efa nahatanteraka ny fitakian'i Jehovah.

<sup>26</sup> Hoy i Petera, tamin'ny Andron'ny Pentekosta hoe, "Mibebaha, ny tsirairay avy aminareo, ary aoka hatao batisa amin'ny Anaran'i Jesosy Kristy ho famelàna ny fahotana, ary ianareo handray ny fanomezan'ny Fanahy Masina. Fa ny teny fikasana dia ho anareo, sy ho an'ny zanakareo, ary ho an'ireo izay lavitra, arak'izay hantsoin'ny Tompo Andriamanitsika." Hitanareo, tsy nameho an'izany tamin'izy ireo fotsiny. "Arak'izay hantsoin'ny Tompo."

<sup>27</sup> Misy maro no mihevitra fa nantsoina izy ireo. Saingy ny rehetra izay antsoin' "ny Tompo"! "Ireo izay Fantany mialoha, no Nantsoiny; ireo rehetra izay Nantsoiny, no Nohamarininy;

ireo rehetra izay Nohamarininy, no efa Nomeny voninahitra,” efa voalamina ilay zavatra.

<sup>28</sup> Ary noho izany rehefa maka olona iray izay tsy mino ianareo fa ho an’ilay andro ny Fanahy Masina, dia hitanareo ve izay ataon’izy ireo? Manda an’ilay Famantarana izy ireo izay tena mari-pamantarana mihitsy hoe nifandray tamin’ny Fanatitrareo ianareo. Hitanareo ve izay tiako lazaina? Tena tsotra mihitsy ilay izy raha mijery an’izany fotsiny ianareo ao amin’ny—ao amin’ny fomba izay nanoratan’Andriamanitra azy ankehitriny. Ilay Rà no nitarika antsika ary isika dia . . . maneho an’ilay—ilay mari-pamantarana’ny Fanahy Masina, izany hoe ilay Aina.

<sup>29</sup> Ankehitriny, ny aim-biby dia tsy afaka hiverina ao amin’ny olombelona, satria tsy hitovy izy ireo, ny aim-biby dia tsy manana fanahy ao aminy. Ny ain’olombelona dia manana fanahy iray. Ny biby dia tsy mahafantatra hoe mitanjaka izy. Tsy fantany izay tsara sy ratsy. Izy, izy fotsiny . . . Izy dia manana fa-fanahy iray, fa tsy aina iray. Tsarovy ankehitriny, ankehitriny, ny aina no natioran’ilay fanahy, mazava ho azy.

<sup>30</sup> Diniho ankehitriny, fa arak’izany rehefa ilay Ain’ny Fanatitsika, Jesosy Kristy, rehefa Ny Ràny no nararaka. Andriamanitra Izy, nampidinina tao anatin’ny Lehilahy iray. Ankehitriny, nidina avy tamin’ny naha-Jehovah Izy, mba hanondro ny Tenany amin’ny maha-olombelona iray, mba haka eo amin’ny Tenany ny endrik’olona, mba hanondro antsika miaraka Aminy. Izy no Zanak’ondrin’Andriamanitra. Ary tao Anatiny, izay nisy an’ilay Rà . . .

<sup>31</sup> Ankehitriny fantattro fa hoy ny olona iray hoe, “Izy dia rà Jiosy.” Mandre an’ireo Jiosy milaza an’izany ianareo. Tsy rà Jiosy Izy, ary tsy rà Jentilisa koa Izy. Izy no Ràn’Andriamanitra. Izy tsy nanana na Jiosy . . . Izy dia tsy Jiosy na Jentilisa. Andriamanitra Izy. “Ny—ny—hanan-anaka ny virijiny.”

<sup>32</sup> Ankehitriny, fantattro fa maro aminareo olona Protestanta no mihevitra fa ilay atody dia an’i Maria. Ary ilay—ilay hemoglobina izay tonga, tonga ao amin’ny selan-drà ilay aina. Satria, afaka mametraka atody iray ny akohovavy iray, fa raha tsy niaraka tamin’ny vorona lahy izy, dia tsy ho foy izany, satria tsy lonaka ilay izy. Tonga avy amin’ny fikorian-drà ny aina, izay avy amin’ilay fananahana lahy. Fa ao amin’ity zava-misy ity dia tsy nisy fananahana lahy, noho izany, “ilay aina izay tao amin’ny rà,” dia tsy maintsy avy amin’Andriamanitra irerry ihany izany, ary Izy no namorona selan-dRà iray tao an-kibon’i Maria. Andriamanitra Izy tenany, ilay Mpamorona Izy tenany, no namorona selan-dRà iray. Jereo ankehitriny. Hoy izy ireo hoe, “Eny, izany dia ilay vatana. Maria no nanana an’ilay atody.” Tsia, tompoko. Tsy izy izany; tsy nanana atody. Raha atody iray ilay izy, dia tsy afaka hahazo an’ilay tsirin’aina ianareo

raha tsy manana fahatsapana iray. Ary raha Izy, raha nanana fahatsapana izy, dia inona no asainareo atao'ndriamanitra?

<sup>33</sup> Izy no namorona ny atody sy ny Rà. Izany marina tokoa Izy. "Nikasika an'Andriamanitra izahay," hoy ny Baiboly. Timoty Voalohany 3:16, "Tsy azo lavina fa lehibe ny zava-miafina ny amin'ny toe-panahy araka an'Andriamanitra: Andriamanitra dia voaseho tao amin'ny nofo. Nikasika Azý tamin'ny tanganay izahay." Andriamanitra io vatana io. Izany tokoa, izany ilay izy. Izy no Andriamanitra nanerana ny rehetra, tao amin'ny endrik'olombelona iray.

<sup>34</sup> Ankehitriny dia mahamarika isika ao amin'ity, fa io selan-dRà io rehefa novakiana, dia izany no namoaka an'Andriamanitra. "Andriamanitra dia tao amin'i Kristy, nampihavana an'izao tontolo izao tamin'ny Tenany." Nefa, tsy nisy olona hafa afaka nanao an'izany, tsy nisy na inona na inona hafa afaka ho vita; nila an'io Rà masina io izany, Izy tenany. Tsy maintsy nidina Andriamanitra ka lasa olona, mba hiaritra ny Lalàny Manokana. Raha mpaminany iray fotsiny Jesosy, lehilahy iray nosarahina tamin'Andriamanitra, amin'izay fotoana izay dia tsy marina Andriamanitra.

<sup>35</sup> Raha afaka milaza aho hoe, "Aoka ho faty Rahalahy Grant nohon'ny fahotana izay tokony nahafatesan'i Billy, na zavatra hafa, sazy iray," dia tsy ho marina izany. Raha nanao ny zanako lahy manokana ho faty nohon'ny sazy iray izay notononiko aho, dia mbola tsy marina foana izany. Fitsarana tokana ihany no azoko atao, izany dia ny maka ny toerany, raha te-hamonjy azy aho.

<sup>36</sup> Ary tsy maintsy tonga nofo Andriamanitra, mba haka ny toeran'ilay mpanota; Andriamanitra voaseho tao amin'ny nofo, tsy misy afa-tsy Andriamanitra Izy tenany. Ankehitriny, teo Izy, voaseho tao amin'ny nofo, mba hanaisotra ny fahotan'izao tontolo izao. Ary nanondro ny Tenany tao amintsika Izy, mba hahatonga antsika ho voatondro ao Aminy. Hitanareo ve ilay tanjon'izany?

<sup>37</sup> Ankehitriny dia mahita ny fanondroantsika miaraka amin'ny Fanatitsika isika, ilay Ain'ny Fanatitra ao anatintsika, dia ny Fanahy Masina. Rehefa novakiana io sela io, dia izany no namoaka an'Andriamanitra, namoaka an'Andriamanitra, ka nanamasina vahoaka iray Izy niaraka tamin'Ny Ràny Manokana ary nametraka an'Andriamanitra tao anatin'ny olona indray. Andriamanitra ao anatinareo, Fiainana Mandrakizay!

<sup>38</sup> Ary ny mahay teny Grika rehetra dia mahafantatra fa ilay teny hoe, Fiainana Mandrakizay, dia avy amin'ny teny hoe Z-o-e, Zoe, izay midika hoe "Fiainan'Andriamanitra Manokana." Marina izany. Ny fomba tokana izay hany ahafahanareo manana Fiainana, endrika Fiainana Mandrakizay tokana ihany no misy, ary izany dia ny Fiainan'Andriamanitra Manokana

ao anatinareo. Hitanareo? Noho izany dia manana Fiainana Mandrakizay ianareo, satria Izy irery ihany no Mandrakizay izay misy. Ary isika dia toetran'ireo Fisainany, talohan'ny nisian'ny fanorenana an'izao tontolo izao mihitsy aza na zavatra iray. Ity rehetra ity dia ny Fisainany fotsiny, ary isika no fanehoana an'ireo Fisainany ny amin'izay naha-izy azy.

<sup>39</sup> Ary tsy maintsy nidina Izy mba hanaisotra ny fahotana. Tsy nisy olona hafa afaka nanao an'izany. Tsy nisy olona iray mendrika hanao an'izany. Tsy nisy olona afaka nanao an'izany afa-tsy Izy, ary Nataony izany. Ary tamin'izay fotoana izay rehefa navoaka avy tamin'io vatana io ilay Aina, Lehilahy, izay ny Zanak'Andriamanitra; ny Heriny mamorona no nanao tranobe iray, tahaka ny mpanao trano, nanorina an'ilay tranobe izay Nidirany, Izy tenany. Andriamanitra no nanao an'izany.

<sup>40</sup> Ary avy eo rehefa nesorina io aina io, ilay Rà, ilay fangaro simikan'Izany, dia niraraka tamin'ny tany, tahaka ny an'i Abela niraraka tamin'ny tany mihitsy. Fa avy tamin'io Rà io no tonga ny Fanahy Masin'Andriamanitra, ary izany no nalefa tamin'ny olona tamin'ny Andron'ny Pentekosta, mba ho voatondro miaraka amin'ilay Fanatitra izay maty ho azy ireo. Tsy misy fomba hafa eto amin'izao tontolo izao izay hahazoantsika an'izany. Famantarana pozitifa iray!

<sup>41</sup> Jereo, raha meloka nohon'ny famonoana ianareo, ka fantatrareo fa handeha eo amin'ilay sezam elektrika ianareo. Ary tsarovy, ny mandà . . .

<sup>42</sup> Dallas, henoy! Ny mandà ny Ràn'i Jesosy Kristy, ilay Famantaran'Ny Ràny, raha hitanareo Izany nefalavinareo Izany, dia hiatrika ny Fitsarana miaraka an'Ny Ràny eny an-tànanareo ianareo. Ry mpanota, ry mambram-piagonana, tsarovy izany.

<sup>43</sup> Ahoana moa raha afaka i Lee Oswald, nandritr'ireo andro vitsy, ary ilay hatsembohana teo anatrehan'io Fitsarana Faratampony izay tsy maintsy natrehany io; ary fantany, nohon'ny famonoana ny Filoha, fa tsy hisy pentin'ny famindrampo anankiray akory aza, ahoana no tsy maintsy ho tsapan'io lehilahy io! Tsy maintsy ho zavatra iray mampahatahotra izany. Tsy nila niatrika an'izany mihitsy izy, satria nitifitra azy ilay lehilahy hafa. Fa eritrereto ny mipetraka eo anoloan'ny Fitsarana Faratampony iray tezitra, miaraka amin'ny ràn'ny lehilahy sakaizanareo eo an-tànanareo, ilay Filohan'ny Etazonia! Ho zavatra malemy iray izany, ho anareo olona izay tsy miraharaha ny Ràn'i Jesosy Kristy, rehefa hijoro eo amin'ireo fitsaran'Andriamanitra ianareo. Ho tsemboka amin'izany ianareo rehefa mahafantatra. Tsy afaka nanao afa-tsy ny nanala an'io aina io niala taminy i Oswald, fa Andriamanitra dia manala anareo Mandrakizay tsy ho eo amin'Ny Fanatrehany. Ho zavatra iray mampahatahotra izany. Mariho.

<sup>44</sup> Raha tsy maintsy ho tonga eo amin'ny fitsarana ianareo, satria meloka, dia hitady an'ilay mpisolovava tsara indrindra izay mety hitanareo ianareo. Ny olona rehetra dia hanao an'izany.

<sup>45</sup> Ary ny olona rehetra izay teraka eto amin'izao tontolo izao, tsy ahoako na tsara toy ny ahoana aza ny tokantrano nihaviany, dia meloka amin'ny Ràn'i Jesosy Kristy izy raha tsy nanaiky an'ilay famelàna an'izany. Ary ny fomba tokana hahafantararanareo fa marina ilay famelàna, dia rehefa mametraka ny Tenany eo aminareo ilay Famantarana, ary manana an'ilay Famantarana ianareo.

<sup>46</sup> Mariho, meloka ianareo, ary hitady an'ilay mpisolovava tsara indrindra izay mety hitanareo ianareo handahatra ny raharahanareo. Ary raha nandeha teo amin'ny Fitsaran'Andriamanitra aho, dia tsy mila pretra, tsy mila olona; mila an'ilay mpisolovava tsara indrindra izay mety ho hitako aho handahatra ny raharahako.

<sup>47</sup> Mamelà ahy hilaza an'ity, aminareo, ry sakaizako Kristiana. Ny mpisolvavantsika dia mpitsarantsika ihany koa, ary ny—ny mpitsarantsika no lasa mpisolvavantsika. Milamina ilay raharaha rehefa mandray ny Famelàny isika. Ilay mpitsara Izzy tenany no nidina ary lasa mpisolovava, ary ilay mpisolovava sy mpitsara dia ilay Olona iray ihany. Lasa olona Andriamanitra, mba Ahafahany manamarina ny olona amin'ny alàlan'ny Fahafatesany Manokana izay Napetrany teo aminy. Haleloia! Izany dia midika hoe, deraina Andriamanitsika! Izzy no mendrika ny dera rehetra. Ny mpitsarantsika sy ny mpisolvavantsika dia ilay Olona iray ihany.

<sup>48</sup> Ny Fanahy Masina no Famantarana fa voavela isika. Mikatona ilay raharaha. Ho an'ny lehilahy sy vehivavy tsirairay izay nandray ny batisan'ny Fanahy Masina marina tokoa, efa voatsara izy, voatondro miaraka amin'ny mpisolvavany izy, miaraka amin'ny mpitsarany, miaraka amin'ny fanatiny, ary ilay Famantarana izay hazoniny ao amin'ny fananany no maneho fa voaloa hatrany amin'ny Voninahitra ny diany. Amena. Tapitra ny rehetra. Mihazona an'io Famantarana io izy. Azy izany, ny batisan'ny Fanahy Masina, izay vavolombelon'ny fitsanganan'i Jesosy. Amena. Mino an'izany ve ianareo? [Hoy ny fiangonana hoe, "Amena."—Mpand.] Izany no fanondroanareo, mihazona an'ilay Famantarana ianareo.

<sup>49</sup> Ankehitriny raha tsy manana an'io Famantarana io ianareo, dia tsy hiditra. Tsy maintsy manana an'ilay Famantarana ianareo. Izany ilay vidiny notakiana hoe, "Rehefa mahita ny rà Aho, ny rà no famantarana. Rehefa mahita ny rà Aho, dia handalo anareo Aho." Tsy maintsy manana an'ilay Famantarana ianareo. Raha tsy manana ianareo, nahoana, dia tsy handeha ianareo. Tsy maintsy manana an'ilay Famantarana ianareo.

<sup>50</sup> Raha tsy voaseho ilay famantarana, raha tsy voaseho ilay famantarana tany, dia tsy nisy fiantraikany akory aza ilay fanekena. Hoy ianareo hoe, “Eny, ankehitriny, Rahalahy Branham, andraso iray minitra fotsiny.” Marina tokoa izany.

<sup>51</sup> Teo ambonin’ny fanekena ilay famantarana. Satria nahazo fanekena iray mba ho foraina ny Isirael, ary ny Jiosy rehetra dia afaka nivoaka ka naneho tamin’ny olona rehetra hoe, “Afaka manaporofa aminareo aho fa voafora, Jiosy iray aho, voafora araka ny didin’i Jehovah aho,” kanefa tsy manafaka azy izany raha tsy teo ihany koa ilay famantarana. Tsy maintsy mampiseho an’ilay famantarana izy. Azonareo ve ilay izy? [Hoy ny fiangonana hoe, “Amena.”—Mpand.] Izy...Tsy maintsy eo ilay famantarana, na ahoana na ahoana. Ary raha ao anatin’ilay fanekena ianareo...Raha hilaza ny Jiosy iray hoe, “Tsy hametraka rà eo amin’ny varavarako aho, azoko porofoina fa Jiosy iray an’ny fanekena aho,” dia nalain’ilay Anjelin’ny fahafatesana izy. Tsy mampaninona na mahatoky toy ny ahoana aza izy, na impiry izy no efa mambram-piangonana, na ohattrinona ny fahafolon-karena naloany, na ahoana no nilazany fa nino an’i Jehovah izy; nitaky an’io famantarana io Jehovah.

<sup>52</sup> Ary mitaky an’izany Izy amin’izao andro izao, ihany koa. Tokony ho eo izany. Tsy maintsy izany, “Fa tsy misy fanao hafa iray eto ambanin’ny Lanitra, tsy misy anarana hafa iray nomena amin’ny fomba rehetra,” tsy mampaninona na tsara toy ny ahoana, mahatoky toy ny ahoana. Tsy maintsy eo io Famantarana io, ary voaseho.

<sup>53</sup> “Ny rà,” hoy ianareo, “eny, novonoiko ilay zanak’ondry ka napetrako tao anatin’ny siny iray ilay izy. Napetrako ao ambadika ao ilay izy.” Tsy izany no Nolazainy. Tsy maintsy eo amin’ny tolana izany ary eo amin’ny toeram-baravarana. Tsy maintsy voaseho izany.

<sup>54</sup> Ary ny fiainanareo dia tsy maintsy maneho fa ao anatinareo ilay Famantarana. Oh, ianareo Pentekotista, inona ny olana aminareo? Volo tapaka, tarehy miloko, ny lehilahy, vazivazy ratsy sy ny sisa, aiza no anehoana fa ny Ràn’i Jesosy Kristy Tompoko no Famantaran’ny Fanahy Masina? Ianareo, manana ny endriky ny toe-panahy araka an’Andriamanitra, nefá miantso hoe “famosaviana” sy ny zavatra hafa rehetra, an’ireo asan’Andriamanitra, “famosaviana.” Ahoana no anehoanareo famantarana iray?

<sup>55</sup> Hoy izy ireo hoe, “Izaho dia Pente-...” Tsy ahoako izay maha-izy anareo. “Batista aho. Izaho dia Pres-...” Tsy ahoako izay maha-izy anareo. Tsy maintsy eo io Famantarana io. Andriamanitra no mitaky an’Izany, ary tsy misy na inona na inona hafa afa-tsý izany.

<sup>56</sup> Hoy ianareo hoe, “Eny, manana diplaoman’ny dokotera iray aho.” Tsy ahoako na diploma firy no anananareo. Andriamanitra no mitaky an’io Famantarana io, ary Io irery ihany. Izany no famantarana iray fa voaloa ny dianareo. Tsy handray ny taratasim-panendrenareo Izy na zavatra hafa. Tsy maintsy manana an’io Famantarana io Izy.

<sup>57</sup> Hoy ilay mpamily fiara mpitatitra hoe, “Hey, andraso iray minitra, tsy tapakilako ity.”

<sup>58</sup> Hoy ilay mpanamory fiaramanidina hoe, “Eny, mandehana ianao etsy ankehitriny.” Ny tapakila iray dia famantarana iray. Mandehana ianao etsy ary teneno ilay mpanamory hoe, “Hey, te-hiakatra eo amin’ny fiaramanidinao aho. Ohatrinona ilay izy?”

“Midira dia alaivo ny tapakilanao.”

“Oh, handoa vola aminao aho.”

<sup>59</sup> “Tsy afaka mandray an’izany aho. Tsy hiakatra eo amin’ny fiaramanidiko ianao raha tsy mandeha mandoa an’ilay vidiny ka mahazo an’ilay tapakila. Ilay tapakila no tadiaviko.”

Hoy ianareo hoe, “Eny, nandeha tany an-tsekoly aho. Izaho nanao an’ity. Izaho . . .”

<sup>60</sup> Tsy ahoako izay nataonareo, tsy maintsy manana an’ilay Famantarana ianareo raha tsy izany dia tsy miakatra. Amena ary amena. Tsy afaka mahita an’izany ve ianareo? Andriamanitra no mitaky an’io Famantarana io. “Rehefa mahita ny rà Aho, dia handalo fotsiny aminareo Aho rehefa mahita ny famantarana Aho.”

<sup>61</sup> Raha tsy voaseho izany, dia tsy nisy fiantraikany akory aza ilay fanekena. Ny Jiosy iray dia afaka milaza tanteraka mihitsy sy manaporofo ho—ho Jiosy voafora, afaka mitondra an’ireo rahalahy izy ka manao hoe, “Jereo eto, voafora aho.” Tsy midika zavatra iray izany.

<sup>62</sup> Hoy ianareo hoe, “Metodista aho. Batista aho. Pentekotista aho. Izaho dia ity. Izaho dia itsy.” Tsy midika zavatra iray izany.

<sup>63</sup> Tsy maintsy manana an’ilay Famantarana ianareo. Ary rehefa tonga ilay Famantarana, dia Izany no manambara an’i Kristy. Izy no nilaza fa hanambara Izany. Ary Kristy no Teny. Ary ahoana no ahafahanareo mandà fa marina ny Baiboly, ny ampanah’Izany, ka mbola milaza foana fa manana an’ilay Famantarana ianareo, nefà ilay Famantarana no filazana an’i Jesosy Kristy? Hitanareo, izany no anontaniako.

<sup>64</sup> “Oh,” hoy ianareo, “tsy mino aho, mino aho fa ireo andron’ny fahagagana . . .” Oh, mitandrema, tsy misy Famantarana ao. Ilay Famantarana dia manisy tsindrim-peo ny Teny rehetra amin’ny “amena,” ny zavatra rehetra, satria izany no Andriamanitra Izy tenany. Hitanareo? Eny àry.

<sup>65</sup> Fa raha tsy teo ilay famantarana, dia tsy nisy fiantraikany ilay fanekena. Nofoanana izany. Mitovy ankehitriny! Tsy mampaninona na impiry—impiry ianareo no milaza, impiry no hilazanareo hoe, “Mino ny Teny rehetra ao amin’ny Baiboly aho,” manao hoe, “Rahalahy Branham, izaho—afaka manonona aminao ny antsasak’io Baiboly io aho, ny Baiboly rehetra, an-tsianjery. Mino ny kely tsirairay amin’Izany aho.” Tsara izany. Satana dia manonona, ihany koa. Ah-hah. Mila an’ilay Famantarana izany!

<sup>66</sup> “Eny, Rahalahy Branham, manana ny rindriko feno diplaoma aho. Manana Bakalorean’ny Literatiora aho, ary manana diplaoman’ny dokotera, sy LLD. iray an’ny Latina. Ary, oh, efa nanoratra boky aho. Nanao an’ity aho. Nanao ny zavatra rehetra aho. Izaho dia—nanao an’ireto zavatra rehetra ireto aho.” Tsy ahoako. Mety tsara izany rehetra izany, saingy tsy maintsy manana an’ilay Famantarana ianareo. Ilay Famantarana, mbola ilay Famantarana foana no takiana!

<sup>67</sup> Hoy ianareo hoe, “Mpianatra Baiboly aho. Izaho dia—izaho dia olona tsara iray. Izaho dia *ity, itsy.*” Mety ho mahafinaritra izany, tsara daholo izany, saingy mbola tsy maintsy mila an’ilay Famantarana foana izany!

<sup>68</sup> Ankehitriny, vonona ny hamely an’i Egypta tamin’ny fotoana rehetra ny fahafatesana, ary toy izany koa no ahavononan’ny fahafatesana hamely ny firenena ankehitriny amin’ny fotoana rehetra.

<sup>69</sup> Anna Jeanne, mahatsapa zavatra tahaka ny dadanao aho, nilaza fanamarihana iray indray mandeha. Efa tiako foana izany. Hoy izy hoe, “Fantatrao, ity firenena ity, miaraka amin’ireo fahotana iray ihany, raha mamela an’i Amerika hilamindamina amin’izay ataony Andriamanitra, dia ho voatery ara-moraly Izy hanangana an’i Sodoma sy Gomora ka hiala tsiny amin’izy ireo, nohon’ny nandoroana azy ireo.” Ary marina izany.

<sup>70</sup> Tsarovy, Israely dia nandoa ny fahotana tsirairay izay nataony, ary handoa toy izany koa isika. Lasa mamotsotra toy ny ahoana isika? Tereo ilay fitaovalam-piadiana! Miverena amin’Andriamanitra, ry fiangonana! Tsy hoe milaza an’ireo zavatra ireo mba ho hafa. Miteny aminareo aho ho fampitandremana iray. Minoa ianareo!

<sup>71</sup> Vonona ny hamely ny fahafatesana. Efa nasehon’Andriamanitra tamin’izy ireo ny Fahasoavany sy ny Famindrampony, tamin’ny alàlan’ny hery sy famantarana ary fahagagana (toy izany koa no Ataony amin’izao andro izao alohan’ny hakàna an’ilay Fiangonana), fa mbola tsy naniry ny hibebaka sy hino ny hafatra foana izy ireo.

<sup>72</sup> Hitanareo, nisy hafatra iray talohan’ny fakàna an’ilay fiangonana. Tsy maintsy misy. Mitovy ankehitriny. Ny zavatra ara-panahy rehetra mitranga dia famantarana iray

avy amin'Andriamanitra. Mino an'izany ve ianareo? [Hoy ny fiangonana hoe, "Amena."—Mpand.] Tahaka ny Hafatra, misy ny famantarana iray ary avy eo ny Hafatra dia manaraka an'ilay famantarana. Niteny tamin'i Mosesy Andriamanitra, nanao hoe, "Raha tsy hino ny feon'ny famantarana voalohany izy ireo, dia angamba hino ny feon'ny famantarana faharoa."

<sup>73</sup> Ankehitriny, rehefa mahita an'ireo famantarana miseho ianareo, nefo tsy misy hafatra aorian'izany, dia ilay sekolin'ny teolojia trrainy iray fotsiny ihany ary manohy, tsy avy tamin'Andriamanitra izany. Fa rehefa misy famantarana iray voaseho, dia Hafatra iray no manaraka an'izany. Jereo ankehitriny. Tonga teo amin'ny sehatra Jesosy . . .

<sup>74</sup> Miteny mafy loatra aminareo ve aho? Na iza na iza eo amin'ity fanamafisam-peo eto ity, toy ny hoe miverina ilay izy. Angamba mafy kely ilay izy. Tiako ho azonareo ilay izy.

<sup>75</sup> Rehefa tonga teo amin'ny sehatra Jesosy, dia tsy nilaza betsaka loatra tamin'ny olona Izy, ny olona rehetra dia nila Azy tao amin'ny fiangonany. "Oh, io Mpaminany tanora io, tena faly mihitsy izahay manana Azy." Nanasitrana ny marary Izy. "Oh, voninahitra ho an'Andriamanitra. Nanangana Lehilahy iray malaza teo anivontsika Andriamanitra." Nahafinaritra izany. Noho izany indray andro dia tonga teo amin'ny toerana iray ilay izy izay . . . Izany no Famantarany.

<sup>76</sup> Isaia 35 no nilaza fa izany no ho famantarana iray. "Hitsambikina tahaka ny dieralahy iray ny mandringa," sy ny sisa, "hahita ny jamba." Famantarana iray izany.

<sup>77</sup> Naneho ny Famantarany amin'ny maha-Mesia Izy, sy ny sisa. Ary izy ireo, maro tamin'izy ireo, no nanao hoe, "Eny, afaka manaiky an'izany aho." Eny, ankehitriny, raha izany no famantarana iray, dia tsy maintsy misy ny feo iray an'io famantarana io. Inona ilay feo taorian'izany? Rehefa nanomboka nampianatra ny Foto-pampianaranay Izy ka niantso azy ireo ho andiana bibilava anaty bozaka. Tsy nalaza Izy nanomboka teo, hitanareo, rehefa tonga niaraka tamin'ny famantarana ilay feo. Nivoaka aloha ilay famantarana.

<sup>78</sup> Nandeha tany Egypta niaraka tamin'ny famantarana iray i Mosesy. Ary natsipiny ny tehiny, dia nivadika ho menarana iray. Famantarana izany. Fa afaka kelikely, dia tonga niaraka tamin'ny famantarana ilay feo. Tamin'izay fotoana izay dia hafa ilay izy. Hitanareo, tsy ilain'izy ireo izany. Ilay—ilay feo, dia tsy maintsy misy, manaraka famantarana iray. Ary tsy nisy fotoana hafa nahafahan'izany mba ho tonga raha tsy tamin'io fotoana io, satria izany no fotoana hahatanteraka ny Soratra. Jereo izay Noteneniny taminy, tao amin'ilay roimemy nirehitra hoe, "Efa Hitako ireo fitarainana ary reko avy tamin'ny Oloko izy ireny, ary hitako ny fahorian'izy ireo avy tamin'ireo mpampiasan'i Egypta, ka Tsaroako ny Fampanantenako izay Nataoko tamin'i

Abrahama.” Efajato taona no lasa, ary niteny tamin’i Abrahama Izy fa ho any izy ireo. Hitanareo, tsy nety nisy fotoana hafa iray. Tsy maintsy tonga tamin’io fotoana io mihitsy i Mosesy.

<sup>79</sup> Mipiapiaka tanteraka ny famantaranandron’Andriamanitra goavana. Tsy hisy iray minitra mihoatra na iray minitra latsaka. Ho ara-potoana marina tokoa izany. Eny, noho izany, hitanareo, ny zavatra rehetra dia nandeha tsara fotsiny, tsy afaka ny ho tonga tamin’ireo fotoana hafa.

<sup>80</sup> Ireto zavatra ireto koa dia tsy afaka ny ho tonga amin’ny fotoana hafa. Tsy afaka ny ho tonga tamin’ny andron’i Luther ity. Tsy afaka ho tonga tamin’ny andron’i Wesley izany. Ny andron’ireo Batista na Metodista, tamin’ny andron’izy ireo, tsy afaka ho tonga izany. Tsy maintsy ankehitriny izany no tonga. Tsy maintsy ho firenena iray Israely. Tsy maintsy ho tahaka azy ireo ankehitriny ireo fiangonana. Tsy maintsy nisy hafatra fahatelo iray, taom-piangonana fahatelo iray. Tsy maintsy nisy Laodikia iray. Tsy afaka naka endrika izany raha tsy tonga ny Pentekosta ka nilalao ny anjarany, ary nandeha ka nandrafitra, ary nanao an’izay nataon’izy ireo. Noho izany dia tsy maintsy tonga izany, avy eo dia tonga ny Tompo, rehefa apetراك’izy ireo any ivelan’ny fiangonana Izy. Izy no Teny.

<sup>81</sup> Matahotra ny hihaika an’io Teny io izy ireo na taiza na taiza. Manohy mangina tanteraka mikasika an’Izany izy ireo, saingy mifamaly mikasika an’izany.

<sup>82</sup> Chicago, teto vao tsy ela akory izay, rehefa nanome ahy fahitana iray ny Tompo. Nanana mpitoriteny telonjato aho tany. Hoy aho hoe, “Ankehitriny dia fantatro izay ianareo . . . Mikasika ny taranaky ny menarana, sy ny sisa,” hoy aho hoe, “aoka ny iray aminareo haka ny Baibolinareo ka tonga mitsangana eto akaikiko ka disoy izany.” Ilay andiana mangina indrindra izay hany renareo. Hoy aho hoe, “Noho izany dia mankanesa ao an-damosiko.” Hitanareo, any ivelan’ny fisainan’ny sekolin’izy ireo izany.

<sup>83</sup> Kanefa, hoy izy ireo hoe, “Rahalahy Branham dia mpaminany iray rehefa voahosotra izy, fa rehefa miala aminy ilay hosotra, oh, dia tsy fantatro.” Inona ny . . . Raha tsy izany no marika iray an’ny—ny—ny—ny teolojiana iray mikorontana tanteraka! Ilay tena . . .

<sup>84</sup> Ny teny hoe *mpaminany* dia midika hoe “mpanambara Masina iray an’ny Teny.” Ny Tenin’ny Tompo dia tonga amin’ireo mpaminany. Tahaka an’izany no nahavoatondro an’i Jesosy. Ary nilaza izy ireo taorian’ny fitsanganana, hoy izy ireo hoe, “Fantatray fa mpaminanin’Andriamanitra iray Izy, hitanareo, tsy misy olona afaka manao an’ireo zavatra ireo raha tsy Andriamanitra no momba azy,” nefà avy eo dia tsy nanaiky ny Hafany. Tsy nanaiky an’i Jaona izy ireo, nefà mpaminany iray

izy. Tsy nanaiky an'i Elia, tsy nisy iray tamin'ny sisa tamin'izy ireo, nefà nanana ny fanambarana Masina izy ireo.

<sup>85</sup> Ny teny, ny teny Anglisy hoe, *mpaminany*, ireo teny Anglisy dia mety midika zavatra rehetra, izany dia midika hoe "mpitory teny iray." Fa rehefa milaza ianareo hoe *mpaminany*, an'ny Baiboly fahiny, izany dia nidika hoe "mpahita iray." Ary ny taratasim-panendreny dia, hoe, izay noteneniny dia niseho, ary izany no famantarana fa mpaminany iray izy; izy ihany koa no ilay famantarana fa izy no nanana ny fanambarana Masina an'ny Teny voasoratra. Ary avy eo dia Andriamanitra no nanamarina an'izany, taoriany, nanaporofa an'izany.

<sup>86</sup> Ahoana? Eny, tsy maintsy ho tahaka an'izany fotsiny ilay izy, izay ihany. Tsy misy fomba ialana amin'izany. Andriamanitra no nilaza fa ho tahaka an'izany ilay izy, ary eo ianareo izao. Fa izany ilay izy amin'izao andro izao, hitanareo, hoe tsy maintsy eo io Famantarana io, izay manondro an'io Teny io ary manao azy ho marina mihitsy tokoa. Avy eo dia ahoana no Nampanantenainy ho, ahoana no Nanomanany ny Vahoakany rehetra an'ilay tany nampanantenaina, ankehitriny, rehefa hanao an'ity fifindrana ity Izy, izay tandindona iray.

<sup>87</sup> Ankehitriny dia hiezaka aho ny hivoaka ao anatin'ny dimy ambin'ny folo, roapolô minitra hafa, amin'ny Hafatra. Mariho tsara ankehitriny, tiako ianareo hahazo an'ity, satria mety tsy hahita anareo intsony indray aho, hitanareo.

Mariho, diniho ankehitriny hoe ahoana no Nanomanany ny Vahoakany.

<sup>88</sup> Firy no mahafantatra fa tsy manova ny Fombany mihitsy Izy? Tsy manova mihitsy Izy. [Hoy ny fiangonana hoe, "Amena."—Mpand.] Izy dia...jereo manerana ny Baiboly ankehitriny dia jereo raha mba nanova an'izany Izy. Tsia, tompoko.

<sup>89</sup> Ahoana no Nanomanany ny vahoaka? Voalohany, nandefà mpaminany iray niaraka tamin'ny famantarana Izy, dia i Mosesy. Marina ve izany? [Hoy ny fiangonana hoe, "Amena."—Mpand.] Ary ilay famantarana dia nanana hafatra iray, hafatra iray mba "ho vonona," nivoaka hankany amin'ilay tany izay nampanantenaina izy ireo. Avy eo dia nanana fanondroana Izy, an'io mpaminany io, hoe Hazavana iray no teo an-tampony. Andry Afo iray no nanaraka an'io mpaminany io, fantatsika izany, nandeha nanerana ny an-efitra niaraka tamin'i Mosesy. Fantatsika izany. Ary avy eo dia nanome famantarana iray ho azy ireo Izy ho antoka hoe tsy tokony hatahotra izy ireo, hikorontana sy hikorontan-tsaina tanteraka; ka hoy Izy hoe, "Rehefa mahita an'io famantarana io Aho, dia handalo anareo Aho."

<sup>90</sup> Diniho hoe ahoana no Nataony ankehitriny. Nanomana famantarana iray aloha Izy, iraka iray, hafatra voatondro,

fanondroana an'ilay iraka, ary famantarana iray ho antoka fa efa voaloa ilay dia. Mandroso mankany amin'ilay tany nampanantenaina izy ireo.

<sup>91</sup> Ilay zavatra iray ihany no Nataony amin'izao andro izao! Inona no Nataony? Nandefa ny Fanahy Masina ho antsika Izzy. Ny Fanahy Masina no ilay Iraka, ary ilay fanondroana ara-tSoratra an'ny Tenany no manondro Azy eo anivontsika, ilay tsy miova omaly, anio, ary mandrakizay. Ary ilay Famantarana no antoka. Inona no atahorantsika? Efa voaloa ny saran-dàlantsika ary voatondro miaraka amin'ny Fanatitsika isika. Tsy afaka handà anareo Izzy. Izzy no nampanantena an'izany. Voatondro isika.

<sup>92</sup> Isiraely izay nivoaka avy tao Egypta, araka ny nolazaiko, dia tahaka ny—ny Ampakarina nivoaka avy tao amin'ny fiangonana. Rehefa nanomboka ny asam-panompoany i Mosesy, dia niaraka niangona tao Goseny ny Isiraely rehetra, ho an'ny vavaka sy ny fanompoana, marina tokoa, tonga avy tany amin'ny ampahan'i Egypta rehetra. Tahaka an'izany no hataon'ny Ampakarina, hivoaka avy amin'ny an'ny Tokana rehetra izany, an'ny Roa, an'ny Telo, ary ireo karazany hafa rehetra. Hivoaka izany. Tsy maintsy. Ankehitriny mamaky isika eto amin'ny Hebreo ny... Isika ankehitriny, ny zavatra voalohany tsy maintsy eritreretintsika, tonga avy tany amin'ny ampahany rehetra, "Mivoaha avy eo anivon'ny tsi-finoana." Ankehitriny dia ny Fanahy Masina no nampanantena fa hiantso an'izany amin'ny andro farany hoe, "Mivoaha avy eo anivon'ireo tsi-mpino." Mariho.

<sup>93</sup> Hitantsika ao amin'ny Hebreo 10:26, voasoratro eto, izao no lazain'izany hoe, "Raha minia manota isika rehefa avy nandray ny fahalalana ny Fahamarinana, dia tsy misy fanatitra ho an'ny fahotana intsony," hitanareo, raha minia tsy mankatò ianareo.

<sup>94</sup> Ankehitriny raha hanamarika ianareo, izay mety ho lazaiko eto, raha hanome ahy fotoana iray ianareo mba hanaovako an'ity kisarisary ity. Afaka mahatsapa aho ao amin'ny Fanahy, fa tsy azo tsara ilay izy. Hitanareo? Mariho.

<sup>95</sup> Indro ireo Hebreo, eny amin'ny lâlany mivoaka izy ireo. Nifidy lehilahy roa ambin'ny folo Andriamanitra, na Mosesy no nifidy, tamin'ny alâlan'ny tânâ'ndriamanitra, mba handeha any ka hisafo ny tany; ary hiverina, hitondra famantarana iray an'ilay tany. Ary rehefa tonga tany izy ireo, dia natahotra mafy ny folo tamin'izy ireo. "Nahoana," hoy izy ireo, "any ireo Amalekita ireo, tahaka ny tsingetana isika amin'izy ireo." Niverina i Josoa sy Kaleba, nitondra an'ilay porofo hoe, "Afaka manao an'ilay izy isika!"

<sup>96</sup> Hitanareo, izany ireo mpino mpanara-morona. Nandalo tamin'ireo singa samihafa ireo izy ireo, ary nandalo tamin'ny fiangonana, sy nikambana tamin'ny fiangonana, ary ireo batisa sy endrika. Fa rehefa tonga mihitsy eo amin'ny fiampitâna

mba hahazo an'ilay Famantarana ilay izy, ny porofo fa ao ilay Tany, ilay Aina...Jesosy Kristy dia tsy maty. Faritra iray hafa izany. Miaina ao anatin'izany Izy. Miaraka amintsika Izy, ao anatintsika Izy ankehitriny. Rehefa tonga teo amin'izany ilay izy, "ah," dia tsy afaka nino an'izany izy ireo. Sarotra loatra izany, hitanareo. Dia niverina izy ireo, ary izy ireo, ny tsirairay avy, dia maty tany an-efitra, tsy nisy iray tamin'izy ireo niampita. Ary, hitanareo, raha tsy mino isika, isika Metodista, Batista, Presbyterana!

<sup>97</sup> Manantena aho fa mipetraka eto ny mpampianatro fahiny androany. Dokotera Roy E. Davis, maro aminareo no mahafantatra azy, eto mihitsy any Fort Worth, mipetraka ato angamba izy. Tsaroako izahay niady hevitra an'ireo zavatra ireo, taona maro, maro lasa izay. Izy no nanao batisa ahy tao amin'ny finoana, fiangonana Missionary Baptist iray.

<sup>98</sup> Ary jereo, eto, ankehitriny, raha isika...raha-raha tonga eo amin'io sisin-tany io isika, manao hoe, "Eny, voninahitra ho an'Andriamanitra, niteny tamin'ny fiteny tsy fantatra aho, haleloia." Tsy izany ilay izy. Raha afaka milaza ianareo, tsy mino ny iray amin'ity Teny ity, dia misy zavatra tsy mety amin'ny fahatsapanareo. Hitanareo?

<sup>99</sup> Tonga hatreo amin'ilay Tany mihitsy ianareo ka mahita fa eo izany. Hitanareo fa nitsangana Jesosy. Eo anivontsika Izy. Mandre ny Teny izay manaraka an'ilay hafatra ianareo, nefo mbola tsy mino an'Izany foana, dia fantatrareo ve izay mitranga? Noho izany dia maty tany an-efitra mihitsy izy ireo. "Raha minia manota isika rehefa avy nandray ny fahalalana ny Fahamarinana, dia tsy misy fanatitra ho an'ny fahotana intsony." Izany no tenenin'ny Bokin'ny Hebreo amintsika.

<sup>100</sup> Ary diniho ankehitriny, raha mahita an'ireo famantaran'ny andro farany lehibe eto an-tany isika, izay Nampanantenainy, dia tsy mihoatra noho izany ve no ampitandremar'izany antsika hoe antomotra ilay fotoana. Atsaharo ny tsy finoana. Tongava miaraka. Tokony hifankatia isika ary mino, ka manasaraka ny tenantsika amin'izao tontolo izao.

<sup>101</sup> Mariho, tsy tonga mba hiaraka sy hiresaka mikasika ny hafatra fotsiny izy ireo. Tsy maintsy niditra tao anatin'izany izy ireo, hipetraka eo ambanin'ilay rà. Tsy tonga hanao hoe, "Fantatrareo, Mosesy no niteny tamintsika. Ilay iraka, nilaza izy, niteny tamintsika izy fa tokony hanana rà isika. Inona no neverinareo mikasika an'izany, ry tovolahy?" Tsy izany ilay izy. Vonoy ilay zanak'ondry, ary apetraho eo ambony eo ilay rà!

<sup>102</sup> Afaka tonga isika ka mipetraka ary manaiky ny Teny, sy ny zavatra hafa rehetra, nefo tsy manana an'io Famantarana io, inona no soa ataon'izany amintsika? Tsy misy soa. Mipetraha ao ambanin'Izany. Tsy tompon'andraikitra amin'ny olona rehetra izay tsy teo ambanin'io rà io Izy. Ary tsy tompon'andraikitra

amin'ny olona rehetra Izy, androany, izay tsy eo ambanin'ilay Famantarana.

<sup>103</sup> Ny fianakaviana manontolo, dia voaaro rehefa teo ambanin'ilay famantarana fotsiny ihany izy ireo, ka voaseho ilay famantarana. Ny fianakaviana manontolo! Mino an'izany ve ianareo? [Hoy ny fiangonana hoe, "Amena."—Mpand.] Tokony hahatsiaro an'izany isika androany, ry olona. Ireo zanatsika!

<sup>104</sup> Ary ityadolantsenton'ny fahadalana sy rock-and-roll ity, ary ireo zavatra izay andalovantsika, ary ireo Beatles sy bibikely rehetra eto ireo, nefo fantatratrareo ve fa izany rehetra izany dia voaseho ato amin'ny Boky, an'ny Baiboly? Voalazany ao amin'ny Apokalypsy izany. Izany tokoa, voalaza izany. Toy ny ahoana ireo olona, izy ireo, izy ireo dia—izy ireo dia...izy ireo, izy ireo, hitanareo, izy ireo, izy dia ireo tsy... Maty izy ireo. Tsy afaka mitsangana izy ireo. Tsy Mandrakizay mihitsy izy ireo. Tsy tao anatin'ilay Fisainana akory aza izy ireo, noho izany dia ho levona izy ireo. Vita mandrakizay izy ireo, ringana tanteraka. Ho voasazy mandrity ny elanelam-potoana izy ireo, noho izay nataony, fa ny zavatra rehetra izay nanana fiandohana dia manana fiafarana.

<sup>105</sup> Izay tsy manana fiandohana, no tsy manana fiafarana. Endrika Fiainana Mandrakizay anankiray irery ihany no misy. Endrika Fiainana Mandrakizay anankiray, mitolona ho an'izany isika. Mariho.

<sup>106</sup> Josoa, ny toko faha-2-n'ny Josoa, nandre ilay mpijangajanga Jentilisa nino, sy ny fianakaviany, ka nitondra azy ireo teo ambanin'ilay tady jaky, izay famantarana avy tamin'ireo irak'i Josoa. Nanaja an'io famantarana io ny Anjelin'Andriamanitra mpandrava, ary io irery ihany, tao amin'io tanàna io. Izany no fitakian'Andriamanitra, tamin' ny alàlan'ireo Mpanompony, ka nitaky an'io famantarana io Andriamanitra, ary io ilay tokana. Tsy ahoako raha ny ben'ny tanàna ilay izy, raha izy no ilay lehilahy masina indrindra tao amin'ny tanàna, raha nandeha tao amin'ny fiangonana goavana indrindra tao amin'ny tanàna izy ireo, ny zavatra rehetra tao amin'ilay tanàna dia nianjera afa-tsy io trano io. Andriamanitra, irery, no nanaja an'io famantarana io.

<sup>107</sup> Mariho, Jeriko dia nandre fa nanao zavatra lehibe Andriamanitra, saingy tsy niraharaha an'ilay fampitandremana izy ireo.

<sup>108</sup> Toy izany koa ireo olona amin'izao andro izao izay nandre an'izay nataon'Andriamanitra nandritr'ireo taona vitsy farany, saingy tsy hiraharaha an'izany izy ireo. Ity herin'ny fahasoaavana lehibe ity sy ireo famantarana, tahaka ny Nampanantenainy hoe, "tahaka ny tamin'ny andron'i Sodoma, dia ho toy izany koa ilay izy." Ahoana fa Izy no nampanantena fa hisy io zavatra io! Diniho izay niseho tany Sodoma. Tsarovy, nisy ilay famantaran'i

Sodoma. Fa ilay iraka, an'ny Malakia 4, dia ny "hamerina ny fon'ny olona ho amin'ireo ray, ireo ray pentekotista, hiverina amin'ny Baiboly." Tsy mety hisy Baiboly amboniny intsony, zavatra hafa. Ity no fanambaran'Andriamanitra manontolo.

<sup>109</sup> Ary hoy ny olona iray hoe, "Eny, mino an'ity ampahany ity aho, tsy fantatro ny amin'Izany."

<sup>110</sup> Ny tena irak'Andriamanitra dia mamerina anareo avy hatrany amin'ilay Zavatra manontolo! Hitanareo? Mariho, izany no ataon'ny Fanahy Masina, mamerina anareo eo amin'ny Tenin'Andriamanitra tsirairay.

<sup>111</sup> Efa voaseho ny Fahasoavany, ny Fitsarany no manaraka. Tsy maintsy nino izy ireo fa voaaro tao amin'ireo tranobe goavana be ara-anaram-piangonan'izy ireo izay nananany tao Jeriko, saingy hitan'izy ireo fa tsy nety izany.

<sup>112</sup> Izy ireo dia tsy maintsy nanana ny sasantsasany tamin'ireo...angamba niditra tao tamin'ny fomba iray, nisy zazalahy vitsivitsy niditra tao, ka niteny mba hanangona an'ilay taranaka voafidy rehetra. Ary izy dia nanana...ary nampiasa ny tranony ho fiangonana izy, ka nandray an'ireo iraka; ary avy eo dia nampiditra ny rehetra tao an-tanànanay, izay nino, teo ambanin'ilay famantarana.

<sup>113</sup> Vehivavy anankiray tao amin'io fananana lehibe manontolo io! Vehivavy kely anankiray, ary ratsy laza izy, angamba voaroaka avy tamin'ny fiangonana rehetra tao an-tanàna, saingy nino an'io iraka io izy. Ary namela an'ilay famantarana io iraka io, ilay marika, ka nanaja an'ilay famantarana Andriamanitra. Toy izany koa ilay izy amin'izao andro izao. Tsarovy fotsiny, rehefa tonga ny fahatezeran'Andriamanitra mpandrava, dia nianjera io rafitra goavana io, ilay famantarana no nihazona ny tranony ho voaaro. Tsy hoe satria vehivavy tsara iray izy; satria nanana finoana izy ka nampihatra an'ilay famantarana.

<sup>114</sup> Ankehitriny ahoana moa raha nilaza izy hoe, "Hia, lehilahy mahafinaritra izy ireo, nankasitrahako tokoa ny hafatra izay nomen'izy ireo. Saingy, amin-kitsi-po, toa karazana hadalana ny manao an'io kofehy io hihantona eo amin'ny varavarankeliko. Hosintoniko hiditra fotsiny izany." Ho nianjera izany. Ho nianjera izany. Nanaja fotsiny ihany an'ilay famantarana Andriamanitra, tahaka an'ilay famantarana'aina tany Egypta.

<sup>115</sup> Josoa dia tandindona iray an'i Jesosy, satria *Josoa* dia midika hoe "Jehovah-mpamonjy." Tandindona iray an'i Jesosy izy, nahatoky tamin'ilay marika famantarana izay notorian'ny irany. Nijanona mahatoky tamin'io marika famantarana io i Josoa. Ny rehetra teo ambanin'izany dia voavonjy, tany Egypta. Ny rehetra teo ambanin'izany dia voavonjy, tany Jeriko.

<sup>116</sup> Ny Ràn'ny Zanak'ondry dia tandindona iray an'ilay Famantarana amin'izao andro izao, ka ny Fanahy Masina no Famantarana'izao andro izao. Ny rehetra eo ambanin'Izany

dia voaaro. Ny rehetra any ivelan’Izany dia tsy voaaro. Ao amin’ny Hebreo 13:10 sy 20, Izy dia antsoina hoe “ilay fanekena mandrakizay.” Ilay fanekena fahiny dia zavatra anankiray, ity no Vaovao, ity no “fanekena mandrakizay.”

<sup>117</sup> Andriamanitra, ireo teny fikasana voafatotry ny Ràn’Andriamanitra, no manao antsika ho afaka amin’ny fahotana sy ny henatra, ary ho hafa amin’ny sisa amin’izao tontolo izao. Tsy mila miakanjo hafa ianareo; ny olona rehetra dia afaka miakanjo hafa. Ianareo dia tsy maintsy, ao amin’ilay anatiny, ho hafa. Ilay Aina dia ao amin’ilay anatiny; tsy hoe miakanjo, mitafy. “Ny Fanjakan’Andriamanitra dia tsy ny mihinana sy misotro, na manao fitafiana; fa izany dia fahari-po, fahatsaram-panahy, fahalemem-panahy, faharetana, ao amin’ny Fanahy Masina.”

<sup>118</sup> Ankehitriny, ireo teny fikasana no manafaka amin’ny fahotana, maneho fa Andriamanitra dia tsy—tsy nahafantatra ny fahotanareo. Hoy Davida hoe, “Sambatra ny olona izay tsy isain’Andriamanitra fahotana.” Ary tsy hanisa fahotana mihitsy Andriamanitra eo ambonin’io Famantarana io, satria ny Famantarana no marika nandoavana ka efa noraisin’Andriamanitra izany. Ary manana an’ilay famantarana ho an’izany ianareo, ilay vid-...ny finoanareo no nividy an’izany. Ary manana an’ilay vidim-pividianana an’ny fanavotanareo ianareo ao amin’ny vatanareo, mba hanompo Azy sy haneho an’ireo Fampanantenany sy ny heriny.

<sup>119</sup> Ny *Testamenta Vaovao* dia midika hoe “fanekena vaovao.” Ny Rà dia midika hoe “Aina.” Ny *Testamenta Vaovao* no testamentan’ny Fanahy Masina, ny Fanahy Masina mijoro vavolobelona ny amin’ny hoe nitsangana tamin’ny maty Jesosy Kristy, nameho fa Jesosy no nahatanteraka ny fitakiana rehetra ho antsika, ary velona androany. Ilay Famantarana no manaporofa fa velona Izy mba hanondro ny Tenany miaraka amintsika, araka ny Fampanantenany. Ankehitriny dia ahoana no ahafahan’ny olona iray mamaky ny Baiboly ka mahita fa Izy no nampanantena an’izany, sy mahita an’i Kristy miverina ao amin’ny endriky ny Fanahy Masina ao amin’ireto andro farany ireto ary manondro ny Tenany fa velona? Izany ilay Famantarana. Izany ilay marika. Izay ilay vidiny voaloa.

<sup>120</sup> Aza, aza miankina amin’ny fahatsapana iray mihitsy. “Nahatsapa nangorintsina aho nandeha nanerana ny lamosiko. Ary—ary izaho—nanimbolo zavatra aho; nahita rà teo amin’ny tènako aho, na menaka iray. Na—na, nahazo ny Diplaomako an’ny Bakalorea aho. Na, nandihy tao amin’ny Fanahy aho. Nihiakiaka aho. Niteny tamin’ny fiteny tsy fantatra aho.” Mety ho tsara daholo ireo zavatra ireo. Tsy manana na inona na inona manohitra azy ireo aho, saingy tsy izany no resahako.

<sup>121</sup> Miresaka ny amin'ny fanondroan'ilay Famantarana aho, Jesosy Kristy, nitsangana ary ao amintsika ankehitriny, manondro ny Tenany, mba hanamarina indray ny Teniny Nampanantenaina an'ity andro ity. Amena. Amin'izay fotoana izay dia iray ianareo sy Kristy. Andriamanitra sy Kristy dia iray. "Amin'izany andro izany, dia ho fantatrareo fa Izaho ao amin'ny Ray, ny Ray ato Amiko; Izaho ao aminareo, ary ianareo ato Amiko." Izany no Andriamanitra tonga voaseho ao amin'nynofon'olombelona, maneho ny Tenany fa velona, taorian'ny roa arivo taona. Izany ilay Famantarana.

<sup>122</sup> Raha tsy ao anatiny ianareo, dia midira haingana mihitsy, ry sakaiza. Mety ho tara loatra mandrakizay ilay izy. Tsy fantatsika.

<sup>123</sup> Maneho Ny Fanatrehany, Testamenta Vaovao, ilay Rà. Ary velona Izany ankehitriny, manao an'ireo fanamarinana. Ary satria izany Izy, dia manana zò amin'izay rehetra Novidiany ho antsika isika. Ny lehilahy iray izay manana ny batisan'ny Fanahy Masina, na ny vehivavy iray izay manana ny batisan'ny Fanahy Masina, dia manana zò amin'ny zavatra rehetra izay novidian'i Jesosy ho antsika, satria izany no famantarana fa manana isika. Izany ilay fahefa-mividy.

<sup>124</sup> Atao hoe ohatra hoy ianareo hoe, "Eny, Rahalahy Branham, inona no tianao lazaina?"

<sup>125</sup> Ity, manao azy ho mazava ankehitriny, ary tiako ianareo olona marary hahazo an'ity. Jereo, raha maty noana aho, ka fantatro fa ny mofo iray, atao hoe, ampaheftry ny dolara ny vidiny, ary tonga ny rahalahy iray ka manao hoe, "Ity ny ampaheftry ny dolara, Rahalahy Branham. Noana ianao; raiso ity ampaheftry ny dolara ity." Ankehitriny, fantatrareo, afaka ny ho faly mihitsy amin'io ampaheftry ny dolara eny an-tànako io tahaka ny ahafahako ho faly amin'ilay mofo eny an-tànako io aho, satria azoko ilay vidim-pividianana. Manana an'ilay famantarana izay mahazo an'ilay mofo aho. Ary eo mihitsy ilay mofo; ary ny zavatra tokana, dia mihazona an'ilay famantarana aho, ilay ampaheftry ny dolara izay mividy an'ilay mofo, afaka ny ho faly mihitsy amin'ilay famantarana tahaka ny ahafahako ho faly amin'ilay mofo aho.

<sup>126</sup> Ankehitriny, raha manana ny batisan'ny Fanahy Masina ianareo, dia izany no Famantarana fa manana ny zavapanavotana rehetra izay nahafatesan'i Jesosy ianareo, anareo izany, eo an-tananareo izany. Matahotra ny hitaky an'izany ve ianareo?

<sup>127</sup> Raha apetrako ato anatin'ny paosiko ilay izy, ka hoy aho hoe, "Eny, tsy fantatro na afaka mividy an'io mofo io aho na tsia," dia ho fatin'ny hanoanana aho. Fa tsarovy, hoy ilay mpivarotra hoe, "Manana fitakiana iray aho, Atoa. Branham. Dimy amby roapolو

cents iray, dia afaka mahazo an'ilay mofo ianao." Azoko ilay izy! Amena. Milamina hatreo izany.

<sup>128</sup> Izany no antony tsy ahitantsika zavatra maro be vita amin'izao andro izao, tsy voaseho ilay Famantarana, ilay tena Famantarana. Oh, manana an'ireo karazana bibikely rehetra isika, fa ny tiako lazaina dia ilay tena Famantarana.

<sup>129</sup> Jereo, noho izany rehefa mahafantatra isika ka mampiseho an'ilay Famantarana, ny Aina izay nilaina ho an'ilay Famantarana, dia miteny ho antsika ny Rà. Tsarovy, fantatry ny Famantarana ilay Ràn'ny fanekena, ary ny Teny no manome antoka antsika ny amin'ny teny fikasana. Ny Famantarana no marika fa efa natao ny fividianana ho antsika.

<sup>130</sup> Ankehitriny, raha tsy tafiditra ao anatin'izany ianareo, eny, mazava ho azy, dia tsy hahazo na inona na inona mihitsy ianareo; mandalo eo amin'ny laharan-bavaka iray fotsiny ianareo, dia miverina mivoaka; manatona ny alitara, ary miandranda, dia mivoaka miverina.

<sup>131</sup> Fa, oh, rahalahy, rehefa io Famantarana io no voapetraka indray mandeha ao amin'ny—ny—ny fonareo, ka fantatrareo fa izany no fitsanganan'i Jesosy Kristy ao anatinareo, dia misy zavatra mitranga. Tsy hisy na inona na inona hampiverina anareo. Fantatrareo izay misy anareo. Ny fankatoavana feno ny Tenin'Andriamanitra manontolo no manome alàlana anareo ho amin'ilay Famantarana, ary tsy misy na inona na inona hafa. "Sambatra izay mitandrina Ny Didiny rehetra, fa izy no manana zò amin'ny Hazon'Aina."

<sup>132</sup> Noho izany, rehefa mivavaka isika, dia tsy maintsy manana an'ilay Famantarana haseho miaraka amin'ireo fivavahantsika. Ankehitriny aza diso amin'ny fahazoana an'izany. Rehefa mivavaka ianareo, dia tsy maintsy manana an'ilay Famantarana hanarona ny vavakareo; raha tsy izany ianareo, dia manohiza mivavaka mandra-pahatongan'ilay Famantarana, satria tsy nampanantenaina hahazo azy ianareo. Hitanareo, tsy maintsy manana an'io Famantarana io ianareo aloha; izany ilay vidiny haloa, ny finoanareo mba hino an'izany.

<sup>133</sup> Ankehitriny, mariky ny fankatoavana feno. Lasa ny tahotra. Paoly no miteny amintsika hoe, "Ny Rà dia miteny zavatra tsaratsara kokoa."

Hoy ianareo, "Miteny ve ny Rà?" Hia, miteny ny Rà.

<sup>134</sup> Ao amin'ny Genesisy 4:10, dia hitantsika fa Andriamanitra no nilaza fa—fa ny an'i Kaina . . . na, "Ny ràn'i Abela dia niteny avy tamin'ny tany." Hitantsika ao amin'ny Hebreo 12, fa, "Ny Ràn'ny faneken'i Kristy dia miteny zavatra tsaratsara kokoa noho ny an'i Abela." Hitanareo? Hitantsika, fa tena miteny ny Rà, miteny eo amin'ny toeranareo Izany. Ilay Aina izay ao anatinareo dia miresaka avy amin'ilay Rà nararaka. Amena. Oh, rahalahy! Maniry aho mba afaka hahita an'izany ny olona

rehetra. Hitanareo? Raha afaka mahita ianareo hoe inona izany, dia izany ilay Aina izay ao anatinareo. Hitanareo, io Rà io no manondro anareo miaraka amin'Izany. Izany ilay Famantarana. Ny... Inona izany, ilay Rà nararaka ho anareo; nanaiky ianareo, ka tonga ao anatinareo ilay Aina. Manana an'ilay Famantarana ianareo, izany dia ny Fanahy Masina.

<sup>135</sup> Noho izany rehefa mivavaka isika, dia tsy maintsy manana an'ilay Famantarana haseho miaraka amin'ny fivavahantsika isika, araka ny nolazaiko, ary ankehitriny dia mino ho an'ny tenantsika ka mampihatra an'ilay Famantarana eo amin'ny fianakaviana manontolo, tahaka ny tany Egypta, Jeriko, na ny anankiray ao amin'ny Asa 16:31. Hitantsika fa niteny tamin'ilay mpifehy zato Romana i Paoly, nanao hoe, "Minoa ianao, dia ho voavonjy ny ankohonanao rehetra." Ampiharo amin'ny fianakavianareo Izany. Raha manana zanaka tsy voavonjy ianareo, apetraho eo an-tampony mihitsy ilay Famantarana, manaova hoe, "Tompo Andriamanitra, mitaky azy aho." Mijanòna tsara eo. Raha manana reny iray na malala iray izay very ianareo, apetraho eo amin'izy ireo io Famantarana io, manaova hoe, "Tompo Andriamanitra, mitaky azy aho."

<sup>136</sup> Avohay, ny fako rehetra an'izao tontolo izao, hiala ao antranonareo, miomàna ho an'Izany. Doroy ireo sortanareo. Ario ny latabatrareo filalaovan-karatra. Ialao ireo sigaranareo. Ario any amin'ny dabam-pako ny tsi-finoanareo sy ny taratasimpiangonanareo, izay ikambanan'izy ireo. Amena. Amin'izay fotoana izay dia vonona ianareo. Avy eo dia inona no atao? Avy eo dia ampiharo ao amin'ny vavaka ilay Famantarana, miaraka amin'ny tena porofo, tena finoana. Ampiharo Izany, ampiharo miaraka amin'ny fahatokiana Izany. Rehefa mampihatra an'ilay Famantarana ianareo, dia fantaro fa voadio ianareo. "Raha tsy manameloka antsika ny fontsika, amin'izay fotoana izay dia azontsika ny fangatahantsika."

<sup>137</sup> Raha mbola manao an'ireo zavatra izay ratsy foana ianareo olona, dia ahoana no hangatahanareo an'Andriamanitra hanao zavatra ho anareo nefo fantatrareo fa diso ianareo? Izany no antony androsoantsika mivembena fotsiny sy hiverenantsika mivembena. Tsy milaza an'izao aho mba handratra. Milaza an'izao aho mba hanitsy, mba hametraka tsara an'ireo zavatra. Ahoana no hanorenanareo an'izany eo ambonin'ireo lavenon'i Sodoma sy Gomora? Miverena!

<sup>138</sup> Ireo fikambanana sy mpitoriteny dia namela ny olona hanao ny zavatra rehetra, sy milamindamina, ka mametraka ny anaran'izy ireo fotsiny eo amin'ny boky iray ary miantsy azy ireo ho *ity, itsy*, ary ny *hafa*, nefo fahafaham-baraka iray izany. Ary toy izany ilay izy ka ny finoana aza dia zavatra iray izay tsy... mahalana akory aza no hany ahafantarana hoe inona izany. Izzy ireo, manana fanantenana iray izy ireo, fa tsy manana finoana.

<sup>139</sup> Tsy maintsy miverina ianareo, mba, hahatonga ny zavatra rehetra ho voabango tsara sy madio. Avy eo dia raiso ny Famantaranareo, ka fantatrareo fa izany no Jesosy Kristy ao aminareo, avy eo dia ampiharo Izany. Raha tsy misy zavatra mitranga, dia misy zavatra tsy mety ao; miverena indray, manana an'ilay zavatra ratsy ianareo eny an-tànanareo. Izy no nampanantena an'izany. Izy no Anankiray izay nampanantena an'izany. Ampiharo Izany. Vakio ny Efesiana 2:12, indray andro, raha ianareo raha tianareo, dia hahita ianareo ao.

<sup>140</sup> Mariho ao amin'ny Hebreo 9:11, ihany koa. Hoy i Paoly hoe, "Manompo an'ilay Andriamanitra velona, amin'ny teny velona." Tsy milaza fotsiny ohatra hoe raha nandeha tahaka ny Hebreo iray fahiny aho, nitondra ny fanatiny, ary nandeha teny amin'ny lâlana, niaraka tamin'ny ombilahy iray goavana matavy, ary nametraka ny tânany teo amin'izany ka nanondro ny tenany, ary nandraraka an'ilay râ, niverina voamarina. Nitaky an'izany Jehovah. Nataony izany. Avy eo ilay taranaka manaraka, angamba lasa nangatsiaka kely izy ireo; olon-kafa iray, lasa nangatsiaka kely. Ny zavatra voalohany fantatrareo, lasa fombafombam-pianakaviana iray ilay izy.

<sup>141</sup> Lasa tahaka an'izany ny pentekosta ho antsika, fombafombam-pianakaviana iray. Mipetraka isika, manao hoe, "Tsy tena tsara ve ny fampisehoan'ny televiziona androany hariva? Manontany aho hoe inona no nataon'izy ireo tany am-piangonana? Tompo Jesosy, sitrano..." Oh, mamindrà fo! Hitanareo? Ilay izy dia fombafombam-piana-... "Fantatrao, niteny tamin'ny fiteny tsy fantatra aho indray andro. Izaho mikambana amin'ity, na itsy, fantatrao. Ah-hah." Oh, fombafombam-pianakaviana iray izany!

<sup>142</sup> Fantatrareo ve izay nolazain'Andriamanitra? Hoy Andriamanitra hoe, "Ireo matavinareo sy ondrilahinareo dia maimbo eo amin'ny oroko. Marina izany, lasa fofo-maimbo iray ireo fanatitrareo."

<sup>143</sup> Ary toy izany koa ireo fanatitra Pentekotista, sy ireo tabataba sy hadalana ara-anaram-piangonanareo rehetra, ary ireo vehivavinareo sy lehilahinareo manao ny fomba izay ataon'izy ireo, endriky ny toe-panahy araka an'Andriamanitra; mitendry mafy ny zava-maneno, ka misy olona mitsambikina ambony-sy-ambany vetivety; dia tapitra ny rehetra, tahaka ny rano iray siny atsipy eo amin'izany, raha toa ka sendra entina ny Tenin'Andriamanitra ary milaza zavatra iray. Inona ilay olana? Manomboka maimbo eo anatrehan'i Jehovah ireo fanatitrareo.

<sup>144</sup> Ary tamin'izay fotoana izay no tonga teo amin'ny sehatra i Isaia, ka niteny tamin'izy ireo hoe, "Izaho dia hanome anareo famantarana mandrakizay, hanan-anaka ny virijiny." Hitanareo, eo ianareo izao. Tsy endrika sy fanekem-pinoana

maty, tsia; fa teny velona, Andriamanitra velona iray izay nitsangana tamin'ny maty, ary velona eo anivontsika.

<sup>145</sup> Ny sasany amin'izy ireo, ireo fiangonana tahaka an'izany, izay mino an'ireo zavatra ireo, dia mandà izy ireo fa misy izany hoe Famantarana izany. Eny, niezaka niteny tamiko ny lehilahy iray hoe, "Ireo apostoly roa ambin'ny folo irery ihany no nandray ny Fanahy Masina. Izay ihany no nisy. Hia." Oh!

<sup>146</sup> Fa isika izay mino ny Teny, dia mahafantatra hafa, fantatsika fa ny Fanatrehana velona io. Satria ahoana no ahafantarantsika fa izany no Fanatrehana velona an'i Kristy, ilay Fanahy izay eo anivontsika? Izany dia manao an'ilay zavatra iray ihany izay Ataony. Izany no porofon'ilay izy. Ny voaloboka dia fantatra amin'ny alàlan'ireo voa entiny. Ary noho izany raha miseho io voaloboka voalohany io ka nanoratra ny Bokin'ny Asa izy ireo taorian'izany, ka ilay zavatra iray ihany izay nataon'i Jesosy, no nataon'ireo apostoly; amin'izay fotoana izay rehefa miseho indray io voaloboka io, dia manao an'ilay zavatra iray ihany izy. Hitanareo, Hebreo 13:8 dia milaza fa Izay no tsy miova, oh, oadray, manaporofo fa Andriamanitra no nanangana Azy ho antsika, araka ny Teniny Nampanantenaina. [Elanelana tsy voaraki-peo—Mpand.]

<sup>147</sup> Tombokase iray an'ny teny fikasana! Efesiana 4:30 dia milaza hoe, "Aza mampalahelo ny Fanahy Masin'Andriamanitra, izay nanisiana tombokase anareo hatramin'ny andro fanavotana anareo." Tsy hoe hatramin'ilay fifoazana manaraka. "Hatramin'ny andro fanavotana anareo!" Natao batisa tao amin'Izany, araka ny Korintiana Voalohany 12. Ary ao Aminy no misy ny fahafenoana, ary tsy fantatra ao Aminy ny fahotana. "Izay naterak'Andriamanitra, dia tsy manota. Ny voan'Andriamanitra no mitoetra ao aminy, ka tsy mahay manota izy." Ahoana no ahafahany, nefo eo ilay Famantarana? Ny Famantarana no marika fa efa nekena izy.

<sup>148</sup> Ary, eny, hoy ianareo hoe, "Manota aho." Eny, amin'izay fotoana izay dia tsy nanana an'ilay Famantarana mihitsy ianareo. Hitanareo?

<sup>149</sup> Ny Famantarana no sakana, maneho fa voaloa ny vidiny. Raha miezaka manolotra an'izany aminareo i Satana... Eritrereto fotsiny ity. Raha miezaka manolotra aretina iray aminareo i Satana, na miezaka manolotra zavatra iray aminareo, dia fantatrareo ve izay hatao? Asehoz azy ny Famantaranareo. Azo antoka, mameley ny Kristiana ny aretina. Asehoz azy ny Famantaranareo, ka porofoy aminy fa vokatra iray voavidin'Andriamanitra ianareo. "Tohero ny devoly, dia handositra anareo izy." Hazony eo ambonin'ny finoanareo tsy miovaova ao amin'ny Teniny Nampanantenaina ilay Famantarana.

<sup>150</sup> Nanome mariky ny avana iray Andriamanitra indray mandeha ho famantarana anankiray. Mamarana aho. Nanome mariky ny avana iray ho famantarana iray. Manana eo amin'ny folo minitra eo fotsiny aho, ary avy eo dia hanana laharam-bavaka iray. Nijanona ho mahatoky teo amin'io famantarana io hatrany Izzy. Izany ve Izzy? [Hoy ny fiangonana hoe, "Amena."—Mpand.] Mbola mijanona Izzy. Nandrity'reeo an'arivo taonany, Izzy dia tsy diso mihitsy indray mandeha, na dia indray mandeha aza, naneho an'izany. Nahatoky tamin'io famantarana io Izzy, maneho amintsika fa Izzy mandrakariva... ary tsy ho diso amin'ny fanajana an'ireo Famantarany mihitsy. Tsy ahoako ilay izy raha...

<sup>151</sup> Raha tsy tonga afaka iray alina taona Jesosy, ka manana an'ilay Famantarana ianareo, dia mbola tsy maintsy hanaja an'Izany foana Izzy. Tsy mampaninona na firy ireo zavatra miova, ary na inona koa, tsy maintsy manaja an'io Famantarana io Izzy. Izzy no nilaza fa hanaja Izzy. Eny àry. Manantena antsika haneho Ny Famantarany Izzy ankehitriny, eo ambonin'ny finoantsika nomen'Andriamanitra, eo amin'ny sekta tsy mino rehetra ao amin'ny firenena sy ao amin'izao tontolo izao, izay mino fa ireo famantarana sy fahagagana dia tsy manaraka an'ireo mpino. Ary aoka hahatoky amin'io Famantarana io, ka Izany no maneho fa efa voaloa ny saran-dàlana ary efa nekena isika ho amin'ny fitsanganana, manana ny Ain'ny Famantarana ao anatintsika.

<sup>152</sup> Hafatra iray mandrantsana izany, saingy izany no Fahamarinana. Izany no ilaintsika, dia ny Fahamarinana. Hanampy antsika anie Andriamanitra mba hahafantatra ny Fahamarinana. "Ho fantatrareo ny Fahamarinana, ary ny Fahamarinana no hanafaka anareo." Manambara aho fa Jesosy Kristy no tsy miova omaly, anio, ary mandrakizay. Mino aho fa Andriamanitra dia manome ny Fanahy Masina ho Famantarana iray, izao ankehitriny izao, mialohan'ilay fifindrana mihitsy, an'ilay—an'ilay Ampakarina izay mivoaka avy ao amin'ny fiangonana.

<sup>153</sup> Mino aho fa misy fahadalana betsaka, ka milaza ny olona fa nihiaikiaka izy ireo, niteny tamin'ny fiteny tsy fantatra izy ireo. Mino an'ireo zavatra ireo aho; saingy tsy afaka miankina amin'izany ianareo. Ahoana no ahafahanareo miankina amin'izany, nefä avy eo dia mandà ny Teny? Hitanareo?

<sup>154</sup> Ny Famantarana no Teny voatondro ao anatinareo, mamoaka ny Tenany. Izany no Andriamanitra izay Mpandika teniny Manokana. Tsy mila milaza ianareo hoe, "Eny, ankehitriny, adikao ny fiteny tsy fantattro." Tsy izany ilay izy. Izzy no mandika ny fiainanareo amin'ny alàlan'ny Teny. Rehefa mandray ny teninareo Izzy, izay maha-izy anareo, ka manondro Ny Teniny amin'ny alàlan'izany, dia tsy mila fandikana intsony izany, efa eo izany. Andriamanitra no manao ny Fandikany Manokana, ary isika no nahazo an'ireo teny fikasana ho an'ny andro ireo.

<sup>155</sup> Oh, Dallas, ianareo andiana Kristiana maha-te-ho tia,aza mety ho voatarik'io karazan-javatra amin'izao andro izao io, izay hitanareo mandeha manerana, satria ho levona izany. Ampisehoj isan'andro io Famantarana io, asehoj io Famantarana io. Vakio ny Baiboly. Raiso ny zavatra rehetra. Ka raha ny fanahy ao anatinareo no tsy manao "amena" amin'Izany, amin'izay fotoana izay dia tsaratsara kokoa aminareo ny miverina, ovay izay anananareo, ho amin'ilay Famantarana; tsy manana Azy ianareo.

<sup>156</sup> Fantatro fa betsaka ny voalaza teto tamin'ny tolakandro anankiray. Ary amin'ny efatra sy sasany mihitsy izao. Fotoana izao ankehitriny, ary raha afaka hivoaka alohan'ny amin'ny dimy ora miaraka amin'ny laharam-bavaka isika.

<sup>157</sup> Mino ve ianareo fa velona Jesosy Kristy ary manjaka androany? [Hoy ny fiangonana hoe, "Amena."—Mpand.] Mino ve ianareo fa izay noteneniko taminareo dia ny Fahamarinana? ["Amena."] Izany no Famantarana, ilay fitakiana. Afaka miteny an'izay Fahamarinana fotsiny ihany aho. Milaza an'izay hitako fotsiny ihany aho, izay reko, izay voambara tamiko. Ary nahoana aho no milaza an'izany; tamin'ireo an'alinaliny, dia tsy nisy fotoana iray mba nahadiso an'izany tsy ho marina. Ankehitriny dia tsy maintsy ho Andriamanitra izany. Tsy maintsy ho Andriamanitra izany. Eny, hanome asam-panompoana iray tahaka an'izany ho an'ny olona izay tsy nahafantatra izay noresahany ve Andriamanitra? ["Tsia."] Hanondro ny Tenany ho io mpahita io ve Izy, nefo avy eo dia hitodika ka hanome azy Teny iray mikorontana tanteraka? ["Tsia."] Ilay zalahy izay nandà an'Izany, no ilay anankiray izay mikorontana tanteraka. Ary tsy mikorontana tanteraka Andriamanitra. Andriamanitra no Mpandika teniny Manokana.

<sup>158</sup> Raiso ilay Famantarana! Aza miankina amin'ny fikambanana an'ny fiangonana na endrika rehetra, na inona na inona. Alaivo ilay Famantarana! Hazony Izany. Izany no zavatra tokana izay ho eken'Andriamanitra. Rehefa tonga eo amin'io ora io ianareo, rehefa tonga eo amin'ny fahafatesanareo izany, dia tsaratsara kokoa aminareo ny mihazona an'io Famantarana io eo ambonin'ny tenanareo; mahafantatra fa amin'ny andron'ny Fihaviany, io fitsanganana io, dia afaka mampiseho an'io Famantarana io aho. Izany dia tsy ho ao anatin'ity vatana ity, lò tanteraka izy; fa ao amin'ity Fanahy ity, izay tsy mety maty, Fiainana Mandrakizay izany, mijanona eo ilay Famantarana. Ary Izy no nampantanena hoe, "Izaho no hanangana azy indray amin'ny andro farany."

<sup>159</sup> Io Jesosy Kristy io ihany no eto. Izy no ilay Iraka. Izy no... *Ity* ny Hafatra, ary Izy no Iraka eto mba hanondro Ny Hafany. Tsy izaho no ilay Iraka. Izy no ilay Iraka, ary *Ity* ny Hafatra. Ary raha manana fanahy iray izay tsy manaiky an'*Ity* ianareo, dia ahoana

no ahafahany ho Irak'ilay Hafatra? Ilay Famantarana irery ihany no hanondro an'Izany. Amena.

<sup>160</sup> Mahatsapa ho mpivavaka aho. Tena mahatsapa tokoa aho. Mahatsapa ho toy ny afaka manidina aho izao ankehitriny izao, satria fantatro Izay ninoako, ary efa nahita ny fiainako voatondro niaraka Taminy tao amin'ny Fitsanganany aho. Eto Ny Fanatrehany. Ekeo Izany, ry sakaiza, azafady ekeo, ao amin'ny fonareo lalina ao.

<sup>161</sup> Fantattro fa tonga manodidina ny alitara isika rehetra ary mivavaka. Hevitra Metodista iray fahiny izany. Tsy nanao an'izany mihitsy izy ireo ao amin'ny Baiboly. Hoy ny Baiboly hoe, "Izay nino dia natao batisa." Marina izany. Tsy misy izany antso eo amin'ny alitara izany ao amin'ny Baiboly. Zavatra iray izay nampantsika izany, izay mety tsara. Ny zavatra rehetra izay tahian'Andriamanitra, dia mety tsara.

<sup>162</sup> Ohatra hoe manosotra akanjo izy ireo. Tsy nisy zavatra tahaka an'izany mihitsy ao amin'ny Baiboly. "Nalain'izy ireo avy teo amin'ny vatan'i Paoly ireo mosara sy aron'akanjo."

<sup>163</sup> Fa amin'ny fomba rehetra tianareo anaovana azy, dia mety tsara izany, eo amin'ny sezanareo, eo amin'ny alitara, na aiza na aiza ilay izy. Ny zavatra tokana, dia ampiharo Izany, ho Famantarana iray ho anareo. Avy eo dia diniho ny tenanareo, ka jereo hoe karazam-piainana inona no miseho, jereo raha nampiharina Izany na tsia. Raha tsy nampiharina Izany, amin'izay fotoana izay dia avelao izay hany anananareo, ho eny amin'ny ilany, ka miverena, mandra-pihatran'ilay Famantarana.

<sup>164</sup> Ndao isika hivavaka. Ray any An-danitra, angamba aho—aho—niteny sahisahy aho, saingy, Tompo, ahoana moa no hifikiran'ny fantsika iray raha tsy aforitrareo izy? Mivavaka aho, Ray, mba hiforitra ao am-pon'ny olona izany, mba hahitan'izy ireo fa tsy zavatra hafahafa izany. Tsy hoe miezaka manondro rafi-pandaminana iray aho, antoko iray, sekta iray, olona iray, na ny tenako, na olon-kafa. Izany dia Jesosy Kristy. "Hatambatiro miaraka ireo rafi-pandaminana rehetra ireo," izy ireo dia enina ny anankiray ary antsasaky ny roa ambin'ny folo ilay hafa, araka Ny Teninao. "Reny antitra janga," ny Baiboly ao amin'ny Apokalypsy 17, "no renin'ireo mpijangajanga tsirairay avy." Ary tsy mety ho lehilahy izy ireo. Mpijangajanga izy ireo, ary nandeha teo amin'ilay fandrian'izao tontolo izao izy rehetra. Ary hitanay fa nataony izany, ireo Pentekotista sy ny rehetra.

<sup>165</sup> Fa, Jesosy, mbola mijanona ho Jesosy foana Ianao. Aoka izy ireo tsy hihaino hafatry ny fiangonana iray; fa ny Hafatr'i Kristy, ny Teny. Enga anie Ianao hanondro ny Tenanao, Tompo, androany, amin'ireo mpino. Sitrano ny marary rehetra. Mamelà ny fahotanay, Tompo. Izaho—mivavaka aho, amin'ny maharay an'ireo Mpanomponao, azafady mameleà ny fahotako, ary

mamelà ny fahotan'ity vahoaka ity. Matoky aho, Tompo. Ny tsirairayavy amin'izy ireo dia tsy isalasalana fa efa nanampy tamin'ny fanatitra, mba handoavana an'ireo—ireo tranobe, ary nandany ny volany izy ireo, ary izy ireo dia—izy ireo dia—izy ireo dia nanao ny zavatra rehetra, Tompo. O Andriamanitra, mivavaka aho mba tsy hisy anankiray amin'izy ireo ho diso an'izany, Tompo. Enga anie ny tsirairay avy.

<sup>166</sup> Izaho—manao an'izany amin'ny fahatsoram-po aho, kanefa, Tompo, tsy maintsy sarotiny ianareo. Fantatray, ny manitsy dia fitiavana. Ny fitiavana dia manitsy. Ary mivavaka aho. Satria izany no antony Nanitsianao ny Olonao, dia satria Tianao izy ireo, ary ny fahotana tsirairay dia tsy maintsy ho valiana.

<sup>167</sup> Ary, Ray, mivavaka aho mba Hamelanao ny fahotanay ankehitriny, raha miaiky azy ireo izahay. Efa nandeha lavitra izahay, Tompo. Voatondro miaraka amin'ireto olona Pentekotista ireto aho, Tompo. Izaho—isan'izy ireo aho. Ary izaho—mivavaka aho, Andriamanitra, mba Hamelanao anay rehetra. Ary raiso ny sasany amin'ireto mpitarika ireto ka atodiho izy ireo, ary—ary avelao izy ireo hijery mankany Kalvary any indray mandeha, ka avy eo dia hanadino an'izay tsy maintsy haha—izy azy ireo, presbytera na eveka iray, na mety ho inona izany, ka hahafantatra fa tsy olona goavana izahay ao amin'ity Fanjakana ity. Zanak'Andriamanitra izahay rehetra. Mivavaka aho mba Hanampianao anay ankehitriny. Tondroy eo anivonay ny Tenanao, androany. Mangataka amin'ny Anaran'i Jesosy Kristy izahay. Amena.

<sup>168</sup> Ankehitriny mialoha indrindra ny hanombohantsika an'ilay laharam-bavaka, mety misy olona eto izay tsy mbola teto mihitsy tany aloha. Tsy fantatro hoe iza ianareo, saingy Andriamanitra dia mahafantatra anareo. Raha efa niteny ny Fahamarinana aho, dia aoka Andriamanitra hanondro an'izany, na izany no Fahamarinana na tsia, izany no porofon'ilay izy. Raha nitsangana tamin'ny maty Izy, dia Izy no tsy miova omaly, anio, ary mandrakizay. Izy no nilaza ao amin'ny Jaona 14:12 hoe, “Izay mino,” tsy hoe izay mody mino. “Izay mino Ahy, ireo asa izay Ataoko no hataony koa.” Marina ve izany?

<sup>169</sup> Hoy ny olona iray hoe, ““Hanao lehibe kokoa ianareo.”” Marina izany. Hoy izy, “Eny, mitory ny Filazantsara izahay, izany no lehibe kokoa.”

<sup>170</sup> Ataovy fotsiny ireo zavatra izay Nataony, dia izany no hanaporofo an'ilay izy amiko, hitanareo, avy eo dia hiresaka mikasika an'ilay lehibe kokoa isika. Afaka maneho aminareo an'ireo zavatra lehibe kokoa izay Ataony ankehitriny aho noho izay efa Nataony fony Izy teto an-tany, ka izany dia tsy hoe mitory ny Filazantsara fotsiny, ihany koa; izany dia amin'ireo famantarana sy fahagagana. Tsy manana fotoana ho an'izany. Minoa fotsiny. Ary enga anie ilay Andriamaniry ny Lanitra,

Izay nanangana an'i Jesosy Kristy tamin'ny maty, ka nampiseho Azy velona eto, amintsika, taorian'ny roa arivo taona, hanondro an'ity Hafatra ity, hoe marina Izany. Tsy maintsy ampiharina ilay Famantarana.

<sup>171</sup> Ankehitriny, ianareo izay manana aretina sy olana, mivavaha, ary lazao am-pahatsoram-po hoe, "Tompo, mino aho fa Ianao no 'Mpisoronabe izay azo kasihan'ny fahatsapan'ny fahalemenay.' Ary nilazan'io mpitoriteny eto io izahay, fa miaraka aminay Ianao, manatrika, noho izany dia tiako Ianao hanatrika miaraka aminay ka hanondro ny Tenanao." Mivavaha ankehitriny, ny tsirairay avy aminareo.

<sup>172</sup> Ankehitriny dia miankina amin'Andriamanitra ny milaza zavatra iray. Fotoana iray toy ny inona! Oh, oadray! Maniry aho ny ahafahanareo hahafantatra zavatra fotsiny, toy ny ahoana no tsapanareo rehefa tonga Izany, anareo izao tontolo rehetra izao. Amena. Tsy misy devoly hahavita na inona na inona, olona iray resy izy. Manatrika ny Tompoko. Eo an-tànantsika izany rehetra izany. Amena.

Azafady tena mipetraha tsara. Aza mandehandeha. Mipetraha tsara.

<sup>173</sup> Ianareo ao amin'ireo sezamisy kodiarana, sy ny sisa, aza mihevitra hoe tsy afa-manoatra ianareo. Minoa. Ianareo—ianareo, ianareo izay efa nandalo teo amin'ireo laharam-bavaka, ka efa tsy nahomby sy tsy nahomby. Tsy ilay mpitoriteny izay nivavaka ho anareo, no tsy nahomby. Ilay izy dia ny finoanareo, ary nanomboka nieritreritra ianareo fa tsy hanao na inona na inona intsony. Minoa.

<sup>174</sup> Indro, indro eto io Hazavana io, eo ambonin'ny ramatoa maity hoditra iray mipetraka eto aoriana eto, mitsangana miaraka amin'ny tånany mitsangana tahaka an'izao. Hia. Nivavaka ianao. Hia. Mino ahy ho Mpaminaniny ve ianao, na Mpanompony? Tsy tokony hiteny an'izany aho, satria manafintohina loatra ny olona izany. Ianao dia manana tsara . . .

<sup>175</sup> Indro ny lehilahy fotsy hoditra iray, vehivavy maity hoditra, tahaka ny Tompontsika sy ilay vehivavy teo amin'ny fantsakana mihitsy, firazanana roa samihafa. Nampahafantariny azy ireo fa tsy misy fahasamihafana eo amin'ny firazanana. Tsy misy idiran'ny lokontsika amin'izany. Isika rehetra dia . . . Afaka mifanome famindrana rà isika. Andriamanitra dia nanao, avy tamin'ny rà anankiray, ny firenena rehetra.

<sup>176</sup> Tratry ny aretin'an-doha ianao, aretin'an-doha mahery. Avy eo dia manana enta-mavesatra iray ianao ao am-ponao, izany dia ho an'io ankizy io. Ary ianao . . . Mampahory saina ilay izy. [Hoy ilay anabavy hoe, "Amena."—Mpand.] Marina tokoa izany. Marina ve izany? ["Amena."] Marina izany.

<sup>177</sup> Io ramatoa mipetraka eo akaikinao eo io, toy ny hoe voatondro miaraka aminao izy, izay reninao. [Hoy ilay

anabavy hoe, "Amena."—Mpand.] Marina izany. ["Deraina Andriamanitra!"] Ary misy zavatra tsy mety aminy.

<sup>178</sup> Mino ahy ve ianao, ramatoa? [Hoy ilay reny hoe, "Amena."—Mpand.] Mino ianao? Ny aretinao dia faharariana iray ao amin'ny valahanao. Marina izany. Ny valahanao havanana no marary. Marina ve izany? Atsangano ny tānanao, raha marina izany. Tsy hanelingelina anao intsony izany. Mino ve ianao (raha) afaka hiteny amiko Andriamanitra hoe iza ianao? Rtoa. Lowell. ["Amena."] Marina. ["Amena."] Eny àry, zory ny lālanao, ny Tompo Jesosy no manome anao ny fangatahanao.

<sup>179</sup> Etsy amin'ny farany etsy mihitsy dia misy ramatoa kely hafa iray mainty hoditra mipetraka, mijery, izany fotsiny—toy ny manorotoro azy ho potika fotsiny izany. Mijery ahy mihitsy izy. Mino an'izany izy. Izany, tsy hitanareo ve io Zavatra eo akaikiny io mihitsy? Mijaly amin'ny aretin'ny voa izy. Marina izany. Tapitra daholo ilay izy ankehitriny; Izy no nanasitrana anao. Amena.

<sup>180</sup> Nahoana no tsy mino ianareo? "Raha mety mino ianao, dia azo atao ny zavatra rehetra." Mino an'izany ve ianareo? [Hoy ny fiangonana hoe, "Amena."—Mpand.] Indro ny... Jereo ireo vahoaka mainty hoditra! Aiza ny finoanareeo, ry havana fotsy hoditra?

<sup>181</sup> Indro ny ramatoa mainty hoditra iray mipetraka eto mihitsy, mijery ahy, karazana ramatoa ngeza iray. Tratry ny aretina izy eo amin'ny lohaliny. Izy koa dia tratry ny aretina iray, tratry ny aretim-po izy. Hia. Ary tratry ny fahalemena izy, fidoboky ny fo haingana sy ny sisa tahaka an'izany, indrindra rehefa manandrana mitsilany ianao, sempotra. Hitanao? Nitranga izany omaly hariva. Tsarovy, tsy mamaky ny fisainanao aho, fa fantatro izay nivavahanao. Te-ho voaantso ny amin'io ianao, androany, ary namaly anao Izy. Ankehitriny dia zara raha afaka mitsangana koa ianao, satria tratry ny aretin-kozatra. Marina izany. Ary avy eo, zavatra iray hafa, tratry ny aretim-bavony ianao, izany dia fivontosana iray ao anatin'ny vavony. Marina izany. Ankehitriny dia mino ahy ho Mpaminaniny ve ianao? Hilaza an'izany aho, na ahoana na ahoana. Minoa, dia ho salama ianao.

<sup>182</sup> Ahoana ny amin'ny aretim-bavoninao? Mino ve ianao fa hanasitrana ny aretim-bavoninao Andriamanitra, mipetraka eo, ihany koa? Mino an'izany ve ianao? Eny àry, noho izany dia afaka mahazo ny fahasitranan'ny vavoninao ianao. Amena.

<sup>183</sup> Te-hiala amin'ny fifohana ianao, etsy, ramatoa? Mino ve ianao fa hanao anao hiala amin'ny fifohana Andriamanitra? Efa nanandrana nandrity ny ela be. Ianao dia tratry ny aretim-bavony, ihany koa; efa nanandrana hiala amin'ny sigara. Izany no mahatonga ny aretim-bavoninao. Hamela azy ireo ve ianao?

Manala azy ireo aminao aho, amin'ny Anaran'i Jesosy Kristy, nohon'ny finoanao mikasika Azy.

Mihaika anareo aho mba hino an'Andriamanitra!

<sup>184</sup> Indro misy vehivavy kely iray mipetraka eo mivavaka ho an'ny . . . malala iray any amin'ny hopitaly, eo am-pahafatesana, miaraka amin'ny homamiadana. Marina. Dadatoa iray izany. Marina izany. Ianao dia na . . . Vadin'ny mpitoriteny iray ianao. Minoa amin'ny fonaor rehetra, ho salama ilay lehilahy.

<sup>185</sup> Mihaika anareo aho mba hino an'Andriamanitra! Inona izany? Ilay fanondroana, io Jesosy Kristy io. Hoy ianareo hoe, "Inona Kristy?"

<sup>186</sup> Izy no Teny. "Tamin'ny voalohany ny Teny, ny Teny tao amin'Andriamanitra. Ary ny Teny dia tonga nofo ka nonina teo anivontsika." "Ny Teny dia maranitra noho ny sabatra roa lela, mpamantatra ny eritreritra sy ny fisainan'ny fo." Tsy afaka mahita ve ianareo fa ny Teny dia tonga eto anivontsika amin'ny andro farany? Izany no Fanahy Masina mandray ny Tenin'Andriamanitra ka manondro an'i Jesosy Kristy, dia ilay Famantarana. Amena. Mino ve ianareo? [Hoy ny fiangonana hoe, "Amena."—Mpand.]

<sup>187</sup> Firy no manana karatra fangataham-bavaka? Aoka ny rehetra eo amin'ity ilany ity izay manana karatra fangataham-bavaka, hitsangana amin'ity laharana eto ity. Mitsangàna fotsiny, ny rehetra eo amin'io ilany io, io ilany io fotsiny mitsangàna eto amin'ny lâlantsara. Tsia, eo amin'ny lâlantsara ankavanana mihitsy, azafady, eo mihitsy. Ireo mpampiditr'olona, mankanesa eo amin'ny toeranareo. Avy eo rehefa mandalo izy ireo, dia aoka ny hafa hitsangana, rehefa avy mandalo izy ireo, avy eo dia ny mifamadika amin'ilay ilany hafa. Ankehitriny dia aoka ny olona rehetra hanaja.

<sup>188</sup> Ny Fanahy Masina no nifehy ny fivoriana, noho izany dia efa nisy betsaka voalaza sy vita mba hanaporofa. Firy no mino fa eto Izy? Firy no mino fa izany ilay Famantarana? Firy no mino fa izany no Teny? [Manomboka mifaly ny fiangonana—Mpand.] Jereo, firy no mahafantatra fa ny Bokin'ny Hebreo dia nilaza, fa, "Ny Tenin'Andriamanitra dia mamantatra an'ireo eritreritra izay ao anatin'ny fo"? Firy no mahafantatra an'izany? Firy no mahafantatra fa izany no antony nahafahan'i Jesosy namantatra an'ireo eritreritra tao am-pon'izy ireo, satria Izy no Teny? Firy no mino an'izany? Firy no mino fa izany no niaraka tamin'ireo mpaminany? Izy ireo no nahatongavan'ny Teny. Ankehitriny raha miverina amintsika ny Teny, dia tsy hanao an'ilay zavatra iray ihany ve Izy? Noho izany dia ahoana no ahafahan'ny Teny izay manondro ny Teny, ho diso amin'ny Teny? Oh, mamindrà fo! Manaja!

<sup>189</sup> Hey, ity ramatoa mipetraka eto ity, izy dia tratry ny zavatra iray eo amin'ny fony, ihany koa. Sendra nitodika fotsiny aho ka

nahatakatra an'izany. Tsy ianao ve no Rtoa. Grant? Tsy fantattro mihitsy izany. Fa ianao no Rtoa. Grant, satria mahita anao miaraka amin'izany aho. Tratry ny fikorontanan-tsaina ianao izay manelingelina anao. Ianao dia manana, ny zanakao lahy dia tratry ny zavatra hafa iray... ny ràny, toy ny hoe, mitete. Mihaika anao aho mba hino an'izany! Amena. Izy no Tompon'ny toe-javatra. Izy no Tompon'ny fahafatesana.

Ndao isika hivavaka.

<sup>190</sup> Tompo Jesosy, raha mbola manosotra anay Ny Fanatrehanao, ato amin'ity tranobe ity, ka fantatray tsara fa izao no Fanahy Masina, dia mivavaka aho, Tompo, mba Hanasitrananao ny olona tsirairay izay mitondra an'ireto mosara ireto.

<sup>191</sup> Indray mandeha, dia nampianarina izahay ao amin'ny Baiboly, fa ny Olonao, tao amin'ny laharan'andraikitra mihitsy, dia niampita ny Ranomasina Mena, ary teo amin'ny lâlan'izy ireo ilay ranomasina, teo amin'ny lâlan'izy ireo nankany amin'ny tany nampanantenaina. Niondrika teo amin'io Andry Afo io Andriamanitra, niaraka tamin'ny maso tezitra, ka natahotra ilay ranomasina, nihataka, ka nanohy nandeha nankany amin'ny tany nampanantenaina ny Israely, tao amin'ilay laharan'andraikitra mihitsy.

<sup>192</sup> O Tompo Andriamanitra, aoka ny Masonao hijery eo amin'ilay Ràn'i Jesosy Kristy, ao anatin'ity Famantarana eto ity izay hazoninay eo ambonin'ireto mosara ireto androany. Ary enga anie ny olona rehetra izay mitondra an'ity, enga anie hatahotra ny aretina, enga anie hihataka izany ka aoka ny Vahoakanao hiampita mankany amin'ilay teny fikasan'ny fahasalamana tsara. "Ny vavaky ny finoana no hamony an'ilay marary." Amin'ny Anaran'i Jesosy Kristy, ho tanteraka anie izany. Amena.

<sup>193</sup> Firy ny mpitory teny Metodista mino eto, mpitory teny Batista, mpitory teny Presbyterana, mpitory teny Batista, Loterana, na Pentekotista? Firy aminareo no mino an'Ity ho ny Fahamarinana? Avia eto ka mitsangàna eto akaikiko raha mivavaka ho an'ny marary isika arak'izany. Manatòna eto, ianareo mpitory teny rehetra izay mino.

<sup>194</sup> Mety tsara izany, sa tsy izany? Rahalahy Grant, mety tsara ve izany? [Hoy Rahalahy Grant hoe, "Azo antoka."—Mpand.] Ah-hah.

<sup>195</sup> Midina eto, rahalahy. Manana asam-panompoan'ny fivavahana ho an'ny marary Rahalahy Grant. Lehilahy mahery fo iray, lehilahy tsara, lehilahy iray izay henoin'Andriamanitra sy valiany vavaka, Rahalahy Grant. Faly aho ny mametraka ny sandriko manodidina azy androany ka milaza an'izany, ary rahalahiko. Ankehitriny dia hidina eto izy hivavaka hiaraka amiko.

<sup>196</sup> Rehefa mandalo amin'ity laharana ity ianareo, dia toy ny hoe nandalo teo ambanin'ny hazo fijaliana mihitsy. Rahalahy, manaovala laharana roa eto mihitsy, eto mihitsy. Manaova laharana roa; ny sasany eo, ny sasany etsy.

<sup>197</sup> Rahalahy Roy Borders, aiza ianao? Rahalahy Roy Borders, nihevitra aho fa teto izy. [Hoy ny olona iray hoe, "Hiverina mihitsy izy."—Mpand.]

<sup>198</sup> Jereo eto, ireo mpitoriteny, tianareo ve! Jereo eto. Manao ahy hahatsapa ho tsara izao, ry rahalahy. Mpitoritenin'ny hazo fijaliana, lehilahy izay mitsangana eto mba hanondro ny tenan'izy ireo miaraka amin'ny Hafatra. Inona no mety hitranga?

<sup>199</sup> Ankehitriny, jereo, aza manankina an'ilay izy amin'ireo mpitoriteny ankehitriny. Tonga mba hanondro ny tenany izy ireo. Rehefa mandalo eto ianareo, tond-...hazony eo anoloanareo ilay Famantarana hoe, "Tompo Jesosy, efa niaiky ny fahotako aho. Ho valiny, dia Ianao no nanome ahy ny batisan'ny Fanahy Masina. Vokatra iray voavidy aho. Ny fahotana, ny aretina na tsy misy na inona na inona afaka hihazona ahy manomboka eto. Mandroso avy hatrany aho." Hazony izany, oh, eo anoloanareo, ary mandalova eto, dia hanasitrana anareo Andriamanitra ka hivoaka avy eto ianareo hifaly, sambatra, ary ho salama. Mino an'izany ve ianareo? [Hoy ny fiangonana hoe, "Amena."—Mpand.]

<sup>200</sup> Ankehitriny ny olona tsirairay ato, ndao isika hanondrika ny lohantsika, ry rahalahy, raha mbola miaraka. Tsy fantatsika izay hitranga. Tsy fantatsika fotsiny. Tsy misy antony iray hialan'ny olona marary amin'ity tranobe ity izao tolakandro izao. Hazony ao am-ponareo io Famantarana io, mandalova avy hatrany amin'ity laharam-bavaka ity; ka ireo mpitoriteny, izay nanokana ny fiainany ho-ho an'ny asa, dia hitsangana eto, hametra-tanana aminareo raha mandalo ianareo.

Hoy ianareo hoe, "Nahoana ianao no nanao an'izao, Rahalahy Branham?"

<sup>201</sup> Tiako ianareo, ny tsirairay avy, hahafantatra fa izao fotsiny...Tsy izaho no mpanasitrana. Ireto lehilahy ireto dia manana zò mihitsy hivavaka ho an'ny marary tahaka ny olon-kafa rehetra. Am-pahatsorana, mino aho fa Andriamanitra dia hamaly ny vavak'izy ireo alohan'ny Hamaliany ny ahy. Reraka sy torotoro aho, sy ny sisa. Izaho—mino aho fa hamaly ny vavak'izy ireo Izy. Ary mitsangana eto mihitsy izy ireo eo afovoan'izany, mba hanondro ny tenan'izy ireo, tsy menatra ny haka ny toerany. Mankasitraka ny lehilahy tahaka an'izany aho.

<sup>202</sup> Ankehitriny, ry rahalahy, fantatro ny fihetseham-ponareo. Izaho dia, anankiray miaraka aminareo aho. Izaho no anankiray izay nanambatra ny haratoko taminareo, teto tany Texas, mba hiezaka hahazo ny tsirairay avy tamin'ireo trondro izay

voalahatr'Andriamanitra ho amin'ny Fiainana ireo, tany. Manao ny tena tsara indrindrako aho. Miaraka aminareo aho, zato isan-jato. Indraindray aho dia mandevilevy sy mivazavaza mikasika ny rafi-pandaminana sy ny sisa. Izany dia tsy midika fa manohitra anareo aho, ry rahalahy. Ny tiako lazaina dia manohitra an'ilay rafitra izay manasaraka antsika tsy ho mpirahalahy aho, nohon' ny foto-pampianarana ara-pivavahana sasany. Mpirahalahy isika amin'ny alàlan'ny batisan'ny Fanahy Masina. Mihazona an'ilay Famantarana iray ihany isika. Nandray an'ilay Rà iray ihany isika, noho izany dia ndao isika hino an'izany. Afaka mihaona Any isika (sa tsy izany?), ry rahalahy, ny tsirairay avy amintsika eo ambanin'ny Rà.

<sup>203</sup> Ankehitriny, efa notendrena ho Batista iray aho. Angamba Metodista iray ianareo, na Loterana, na Presbyterana, Pentekotista, an'ny Tokana, an'ny Roa, an'ny Telo, na efa inona ianareo, Fianganon'Andriamanitra, na inona na inona ilay izy. Tsy manao fahasamihafana mihitsy izany. Tsy afaka mifanaraka amin'ireo zavatra kely ireo isika, ndao àry isika hanadino ny mikasika an'izany.

<sup>204</sup> Zavatra anankiray no azontsika ifanarahana, hoe Jesosy Kristy Mpamorintsika dia maty ho an'ny fahotantsika, nitsangana indray ary manome antsika ny Famantarana. Mitsangana eto isika miaraka amin'ny fivavahantsika, mba hihazona eo amin'ireto rahalahy sy anabavy marary izay mandalo eo amin'ity laharana ity. Hino an'izany amin'ny foko rehetra aho.

<sup>205</sup> Efa nahita zavatra hitranga mihitsy aho vao teo. Amena. Fantatro fa mihevitra ianareo hoe adala aho, saingy tsapako fa adala tsara aho. Manantena fotsiny aho fa afaka mijanona tahaka an'izao. Eny, tompoko. Mahatsapa ho finaritra fotsiny aho tahaka an'izao.

Ndao isika hivavaka.

<sup>206</sup> Tompo Jesosy, miala amin'ity lampihazo ity aho, midina eto, mba hanondro ny tenako miaraka amin'ireto rahalahy ireto. Manondro ny tenako miaraka amin'izy ireo aho, raha mihazona ny Famantararanay eo an-tànanay izahay rehetra, ary ao amponay. Satria mankatò ny Didinao izahay hoe, "mametra-tànanana eo amin'ny marary, dia ho sitrana izy ireo." Enga anie ny olona rehetra izay mandalo eto, hampiseho ny Famantarany, hoe nandray ny Fanahy Masina izy ireo, hoe zanak'Andriamanitra nateraka indray izy ireo, hoe mino an'izany amin'ny fony rehetra izy ireo. Ary raha mandalo izy ireo, dia enga anie izy ireo hanozona an'io aretina sy fahoriane eo amin'ny vatan'izy ireo io. Ary enga anie izy ireo hivoaka eto mifaly, mahafantatra fa ny finoan'izy ireo no nanao azy ireo ho salama.

<sup>207</sup> Ary, Tompo Andriamanitra, raha nametraka izahay, ny Testamenta Taloha, ny tànanay teo ambonin'ireo fanatitra,

mba hanondro ny tenanay niaraka tamin'ilay fanatitra, dia mamestraka ny tànanay eo amin'i Jesosy izahay ka manondro ny tenanay miaraka Aminy. Nametraka ny Tànany teo aminay Izy ankehitriny ao amin'ny asam-panompoana, nanondro ny Tenany niaraka taminay, tamin'ny alàlan'ny famantarana sy fahagagana. Ary mamestraka ny tànanay eo amin'ny marary izahay, mba hanondro ny tenanay miaraka amin'izy ireo, miaraka amin'ny finoanay mifandray amin'izy ireo. Tsy maintsy mandeha ny aretina, ary enga anie izy hanao an'izany amin'ny Anaran'i Jesosy Kristy, raha midina eto izahay mba handray an'izany.

Aoka ny fiangonana rehetra hivavaka.

<sup>208</sup> Roy na olona iray tongava eto ka hitsangana eo akaikin'ity fanamafisam-peo ity, sy hihazona an'ireo laharana hahitsy.

<sup>209</sup> Jereo, raha mandalo ianareo ankehitriny, tongava mino, tongava mivavaka. Hametra-tànana eo amin'ilay marary fotsiny izahay. Mandalova avy hatrany. Mivavaha. Rehefa mandalo eo amin'ny laharan'ireto mpitoriteny ireto ianareo; raha mandeha miaraka amin'ny tehina ianareo, dia apetraho izy ireo ka mandehana. Raha tratry ny homamiadana ianareo, aretina, dia manaova hoe, "Efa nanao ny rehetra izay azony atao ny dokotera, efa nanao izay rehetra vitany izy, ka nilaza fa tsy maintsy ho faty aho. Tsy ho faty aho. Ity ny Famantarko, Tompo. Ianao no nampanantena ahy fitopolo iray. Handalo eto mihitsy aho, manao an'izany." Hitanareo, ataovy izany. Hataonareo ve izany? [Hoy ny fiangonana hoe, "Amena."—Mpand.] Amin'ny Anaran'i Jesosy, ho tanteraka anie izany. Amen.

<sup>210</sup> Eny àry, aoka handalo ilay laharana. [Mivavaka ho an'ny marary Rahalahy Branham sy ireo mpitoriteny, raha mitarika ny fiangonana ny rahalahy iray ao amin'ny hira *Minoa Fotsiny* sy hira hafa. Elanelana tsy voaraki-peo—Mpand.]

Mino aho!

Voalevina ao amin'ilay Loharano ny fisalasalako rehetra.

<sup>211</sup> Mino an'izany ve ianareo? [Hoy ny fiangonana hoe, "Amena."—Mpand.] Amen. Oh, tsy mahafinaritra ve Izzy? ["Amena."] Ny sasany tamin'izy ireo dia teo ambonin'ny fandrian'ny marary sy fitondra-marary, nitsangana avy hatrany ka nandeha; namela azy ireo teo fotsiny, ary nandeha. Oh, ny tsirairay avy izay mety ho sitrana ankehitriny, no hino an'izany. Mino ve ianareo? ["Amena."]

<sup>212</sup> Aoka homena anay ilay naoty, *Tiako Izzy*, sitrakao ve, ranabavy; ilay hira tranainy hoe, "Tiako Izzy, tiako Izzy satria . . ."? Ndao isika rehetra hanandratra ny feontsika fotsiny, sy ny tànantsika, ny fontsika, amin'Andriamanitra, ka hihira hoe, "Tiako Izzy, tiako Izzy, satria nitia ahy mialoha Izzy." Ny olona rehetra ankehitriny.

Tiako Izy, tiako Izy  
 Satria nitia ahy mialoha Izy  
 Ka nividy ny famonjeko  
 Teo Kalv- . . .

<sup>213</sup> Ramatoa iray, nitsangana avy teo amin'ilay sezamisy kodiarana, mandeha manerana eto miaraka amin'ny fanampian'ny lehilahy roa. "Izaho . . ." Ndao isika hanofahofa ny tànantsika amin'Andriamanitra, "Tiako Izy!"

Tiako Izy  
 Satria nitia ahy mialoha Izy  
 Ka nividy ny famonjeko  
 Teo amin'ny Kalvary . . .

Ndao isika hidera Azy fotsiny ankehitriny, ny olona rehetra!

<sup>214</sup> Voninahitra ho an'Andriamanitra! Toy ny ahoana no isaoranay Anao, Tompo Jesosy, nohon'ny Fahatsaranaao, Ny Fanatrehanaao. Oh, misaotra Anao izahay noho ilay Famantarana, Tompo. Voavonjy izahay ary feno ny Fanahy, ny Fanahy Masina izay manonja ao amin'ny vatanay ankehitriny. Toy ny ahoana no isaoranay Anao ny amin'izany, Ray! Oh, amin'ny Anaran'i Jesosy no isaoranay Anao. Amena. Amena.

<sup>215</sup> Ny olona rehetra mandraisa tànana, manaova hoe, "Derao ny Tompo!" Mifandraisa tànana, manaova hoe, "Derao ny Tompo! Derao ny Tompo!" (. . .? . . .) Eny ary, ankehitriny, ny rehetra miaraka indray.

Tiako Izy, (ny tànana mitsangana, ny fo mitsangana) Izaho . . . (asehoy avy ao amin'ny fonareo mihitsy izany)  
 Satria nitia ahy mialoha Izy (Hampirava ve ianao?)  
 Ka nividy ny famonjeko  
 Teo amin'ny hazon'i Kalvary.

<sup>216</sup> Ankehitriny dia ndao isika hanondrika ny lohantsika tena am-panajana, raha mamerina ny fotoana amin-dRahalahy Grant aho ankehitriny ho fampiravana; misaotra ny tsirairay avy aminareo. Voalohany, misaotra ny Tompo nohon'ny Fahatsarany, ny Famindrampony, ary ny antoka izay antenaiko fa navelanay ao am-ponareo, hoe tsy irery isika eto. Ny Lohan'ny Kapitenintsika lehibe dia eo anivontsika. Ny hiakiakan'ilay Mpanjaka dia ao amin'ny toby. Ary misaotra ny Tompo isika, mahita ny Heriny lehibe sy ny Famindrampony lehibe. Ary ankehitriny dia ndao isika hanondrika ny lohantsika am-panajana. Rahalahy Grant.



*NY FAMANTARANA* MAG64-0308  
(The Token)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady tolakandro, 8 Marsa, 1964, tao amin'ny Soul's Harbor Temple ao Dallas, Texas, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2020 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)